

陳氏  
藏本

張氏醫通

上海廣益書局  
印行

青浦陳蓮舫校正

本經逢原

上海廣益書局印行

本經逢原小引

醫之有本經也。猶匠氏之有繩墨也。有繩墨而後有規矩。有規矩而後能變通。變通生乎智巧。又必本諸繩墨也。原夫炎帝本經。繩墨之創始也。大觀證類。規矩之成則也。瀕湖綱目。成則中之集大成。未能達乎變通也。譬諸大匠。能與人規矩。不能與人智巧。能以智巧與人。達乎變通之道者。黃帝靈素之文也。能以炎黃之道。隨機應用。不為繩墨所拘者。漢長沙一人而已。長沙以天縱之能。一脈相承。炎黃之道。信手皆繩墨也。未聞炎黃而外。別有繩墨也。嘗思醫林學術。非不代有名人。求其端本澄源。宗乎本經。王治者。玉函金匱而外。未之聞也。長沙已往。唐逸士千金方。獨得其髓。其立方之峻。有過於長沙者。後世末由宗之。以故集本草者。咸以上古逆順反激之用。聚置不錄。專事坦夷。以適時宜。其間瑣瑣。固無足論。即瀕湖之博洽。今古者。尚爾舍本逐末。僅以本經主治。冠列諸首。以為存羊之意。惟仲淳繆子開鑿經義。迥出諸方。而於委宛難明處。則旁引別錄等說。疏作經言。朱紫之混。能無戾乎。昔三餘齋子有本經註疏一冊。三十五年前。於念菴先生齋頭。曾一寓目。惜乎未經刊布。不可復覩。因不自揣。聊陳鄙見。略疏本經之大義。并系諸家治法。庶使學人左右逢原。不逾炎黃繩墨。足以為上工也。上工十全六。不能盡起白骨而生之。吾願天下醫師。慎勿妄恃己長。以希苟得之利。天下蒼生。確遵有病不治。常得中醫之戒。跳出時師園囿。何繩墨之可限哉。

康熙乙亥春。王石頑張璐書於雋永堂時年七十有九。

本經逢原目錄

卷一

水部

諸水

火部

諸火

土部

諸土

金部

金

鉛丹

石部

玉

輕粉

爐甘石

代赭石

赤銅

蜜陀僧

雲母

靈砂

無名異

禹餘糧

銅青

錫

白石英

雄黃

石鍾乳附乳  
公尊

空青

自然銅

鐵落

紫石英

雌黃

石灰

曾青

古文錢

鐵砂

丹砂

石膏粗理  
黃石

浮石

綠青

鉛

鐵精

銀硃

滑石

陽起石

扁青

鉛粉

鐵鏽

水銀

石脂

慈石

石膽

礬石 砒石 礞石 花蕊石 河沙 石燕 石蟹

蛇黃附蛇含石 霹靂礬

鹵石部

食鹽 戎鹽即青鹽 鹵礆 凝水石 玄精石 朴硝 玄明粉

風化硝 硝石 硝砂 蓬砂 石硫黃 礬石 綠礬

山草部

甘草 黃耆 人參 沙參 桔梗 黃精 葳蕤

知母 肉苁蓉 天麻 白朮 蒼朮 狗脊 貫眾

巴戟天 遠志 淫羊藿 仙茅 玄參 地榆 丹參

紫參 紫草 白頭翁 白芨 三七 黃連 胡黃連

黃芩 秦艽 柴胡 銀柴胡 前胡 防風 獨活

羌活 升麻 苦參 白鮮皮 延胡索 貝母 山慈姑

白芨根 草龍膽 細辛 杜衡 白微 白前

卷二

芳草部

當歸 芎藭 撫芎 蛇牀 藁本 白芷 白芍藥

赤芍藥

牡丹皮

木香

甘松香

山柰

高良薑

草豆蔻

草果

白豆蔻

縮砂蜜

益智子

萹芩

藟葉

肉豆蔻

補骨脂

薑黃

鬱金

蓬莪茂

荆三稜

香附

茉莉

排草

藿香

薰香

蘭香

澤蘭

馬蘭

香薷

爵牀

荊芥

紫蘇

蘇子

水蘇

薄荷

隱草部

菊

艾

茵陳蒿

青蒿

莞蔚

檉樹

夏枯草

劉寄奴

旋覆花

青葙子

紅藍花

臘脂

大薊小薊

續斷

漏蘆

苧麻黃麻

胡蘆巴

惡實

蒼耳

天名精

鶴虱

豨薟

箬

蘆根

甘蔗

蘘荷

麻黃

木賊

石龍芎

燈心

生地黃

乾地黃

熟地黃

牛膝

紫苑

麥門冬

當草

淡竹葉

冬葵子

蜀葵花

秋葵子

龍葵

酸漿

敗醬草

欬冬花

鼠麴草

決明子

地膚子

瞿麥

王不留行

葶藶

車前子

馬鞭草

光明草

鱧腸草

連翹

陸英

藍寶大青 小青

青黛

蓼子

篇蓄

白蔞藜

沙苑蒺藜

穀精草

海金沙

地椒

半邊蓮

地丁

見腫消

毒草部

大黃

商陸

狼毒

狼牙

防葵

蘭茹

大戟

澤漆

甘遂

續隨子

菴荇子

蓖麻子

常山

蜀漆

藜蘆

附子

川烏

天雄

側子

草烏

射罔

白附子

天南星

半夏

蚤休

鬼白

射干

玉簪根

鳳仙子

曼陀羅花

羊躑躅

芫花

莨花

莽草

茵芋

鈎吻

蔓草部

兜絲子

五味子

覆盆子

使君子

木鼈子

馬兜鈴

青木香

預知子

牽牛

紫葳

旄花

薔薇實

月季花

枯蔓實

括蕒根

土瓜根

葛根

天門冬

百部

何首烏

葶藶

王苾苓

白欬

山豆根

黃藥子

白藥子

威靈德

苦草

防己

木通

通草

鈎藤

木蓮

紫葛

葶草

忍冬

清風藤

藤黃

水草部

澤瀉

羊蹄根

石菖蒲

蒲黃

苦草

水萍

蓴

海藻

昆布

石草部

石斛

骨碎補

石葦

景天

石胡荽

地錦

苔草部

陟釐

石藥

卷柏

馬勃

倒挂草

苔

卷三

穀部

諸米

諸麥

諸豆

胡麻

亞麻

麻子仁

薏苡仁

嬰粟殼

阿芙蓉

蒸餅

神麴 酒麴 紅麴

飴糖

醋

酒

菜部

韭

薤

葱

蒜

薑薑

白芥子

蕪菁

菜菔

生薑

乾薑

胡荽

懷杏

靳菜

菠薐

薤菜

同蒿

芥菜子

菟子

馬齒莧

翻白草根

蒲公英

落葵

戴菜

蕨

黃獨

薯蕷

百合

茄

苦瓠

冬瓜子

越瓜

胡瓜

南瓜

絲瓜

苦瓜

紫菜

石花菜

木耳

桑耳

香蕈 麻姑 雞枞

土蕈



果部

李根白皮

杏仁

梅

桃仁

栗

棗

梨

木瓜

山楂

柰

林檎

柿蒂

安石榴

橘皮

青皮

橘核

橘葉

橘

橙

柚

柑緣

金橘

枇杷葉

楊梅

櫻桃

銀杏

胡桃

長生果

瑣瑣葡萄

椶櫚

榲皮

荔枝

龍眼

橄欖

榧子

松子

檳榔

大腹子

大腹皮

馬檳榔

無花果

枳椇

水果部

西瓜

瓜子仁

甜瓜蒂

甜瓜子

葡萄

甘蔗

沙糖

石蜜

蓮藕

蓮實

石蓮子

蓮鬚

蓮房

荷葉

芡實

芡實

烏芋

慈姑

味部

蜀椒

秦椒

椒目

豬椒根

胡椒

畢澄茄

吳茱萸

食茱萸

茗

香木部

柏子仁

柏葉節

油松脂

松節

杉

肉桂

桂心

牡桂

筒桂

桂枝

辛夷

沈香蜜香

丁香丁皮

旃檀

紫檀

降真香

烏藥

茴香

楓香脂

薰陸香

沒藥

麒麟竭

安息香

蘇合香

龍腦香

樟腦

阿魏

蘆薈

喬木部

黃蘗小蘗

厚朴

杜仲

椿栲根皮

乾漆

梓白皮

梧葉皮

桐實

海桐皮

川楝子

槐實

槐花

秦皮

合歡皮

皂莢

皂角刺

肥皂莢

無患子

沒石子

訶梨勒

柳華

檉柳

水楊

榆根白皮

蕪荑

蘇方木

樺木皮

椴櫚

烏桕根

巴豆

大楓子

相思子

灌木部

桑根白皮

桑椹

桑葉

桑枝

柘根白皮

楮實

枳殼

枳實

枸橘

梔子

酸棗仁

白棘

蕤仁

山茱萸

金櫻子

都李仁

鼠李子

女貞實

枸骨

衛矛

南燭

五加皮

枸杞

地骨皮

洩菴

石南

牡荊

蔓荊子

紫荊皮

木槿皮

芙蓉

山茶

蜜蒙

木棉

柞木

黃楊

放杖木

接骨木

寓木部

茯苓

茯神

琥珀

豬苓

雷丸

桑寄生

松蘿

苞木部

竹葉

竹茹

竹瀝

笋

竹黃

震燒木

藏器部

錦

褲褶

裏脚布

鑿柄

弓弩弦

敝蒲扇蒲席漆器

燈盞油

吹單布

服鼓皮

卷四

蟲部

蜂蜜

蜜蠟

露蜂房

蠟蝟

蟲白蠟

紫釧

五倍子

桑螵蛸

雀窠

原蠶蛾

白殭蠶

蠶繭

蠶退

蠶沙

九香蟲

雪蠶

蜻蛉

樗雞

芫青

蟹蚤

葛上亭長

地膽

蜘蛛

壁錢

蝮

水蛭

蛆

狗蠅

蟻螬

桑蠹蟲

桃蠹蟲

蚱蟬

蟬脫

蛻螂

天牛

螻蛄

螢火

衣魚

鼠婦

麤蟲

蜚蠊即蝨

蟾蜍

蟾酥

蝦蟇

蛙

蝌蚪

蜈蚣

蚯蚓

蝸牛

龍蛇部

龍骨

蛤蚧

龍齒

蛇蛻

龍角

蚺蛇胆

鼈甲

白花蛇

鯪鯪甲

烏蛇

石龍子

蝮蛇

守宮

魚部

鯉魚

石首魚白鮫

石斑魚

鰻鱺

河豚

鱈魚

鰹膠

繪殘魚

鱒魚

江豚

青魚

鯽魚

海粉

甲魚

比目魚

連魚

鮓魚

燕窩

鯽魚

鮫魚

闊口魚

嘉魚

鱸魚

鯪魚

烏賊骨

鰻魚

鯧魚

鰻魚

黃頰魚

鮑魚

白魚

鯽魚

鱧魚

江鱗

海馬

介部

龜版胆汁

蚌

車螯

郎君子

玳瑁

真珠

貝子

鼈甲

石決明

石蚶

鼈甲

文蛤

淡菜

蟹

蛤蜊

海贏甲煎

蠶

煙

田贏

牡蠣

魁蛤殼即瓦楞子

寄居蟲

禽部

鶴頂

鳧

鴿

鸚鵡

鷓鴣

獸部

豬

駝

獅油

山羊血

麝香

山獺莖

人部

髮

乾糞反

胞衣水

鶴骨

雞

鶯

啄木鳥

鳩

狗

酪

虎骨

鹿茸

貓

脰

臍

頭垢

溺

乾糞反

初生臍

鵝

雉

雀卵

鷓鴣

羊

酥

象皮

鹿角膠

狸

鼠

乳汁

溺白莖

胎元

爪甲

秋石

胎元

鵝

烏鴉

伏翼

鷹屎白

殺羊角

阿膠

犀角

鹿胎

狼

刺蝟皮

爪甲

秋石

爪甲

秋石

秋石

秋石

鵝

鵲

五靈脂

鵲

牛

黃明膠

熊脂

麋茸

兔

人牙

紅鉛

人牙

人牙

人牙

人牙

人牙

鴈

鷓鴣

斑鳩

鷓鴣

馬

牛黃

熊胆

麋鹿肉

狐陰莖

人中黃

天靈蓋

人中黃

人中黃

人中黃

人中黃

人中黃

鴨

鷓鴣

伯勞

鴉

驢

狗寶

麋茸

麋茸

麋茸

水獺肝

金汁

金汁

金汁

金汁

金汁

金汁

陳氏  
藏本

# 本經逢原卷一

長洲石頑張 璐路玉父纂述

青浦陳蓮舫校正

## 水部

諸水

古人服藥必擇水火故凡湯液多用新汲井華水取天真之氣浮於水面也自火煎成候

溫暖緩服之金匱云凡煮藥飲汁以解毒者雖云救急不可熱飲謂湯藥得熱更甚宜冷飲之此言

治熱解毒及辛熱藥味當確遵此例一切調補藥即宜溫飲苦寒祛火藥則宜熱飲熱因寒用之法

也仲景煎實脾藥作甘瀾水揚之萬遍取其流利不助腎邪也杓揚百遍名百勞水取其激揚

以除陳積也成無己曰仲景治傷寒痰熱在裏身黃麻黃連軀赤小豆湯煎用潦水取其味薄不助

濕熱也以新汲水煎沸如麻名麻沸湯取其輕浮以散結熱也以水空煎候熟極煮藥名清漿

水取其下趨不至上涌也服涌吐藥用盞水取其味濁引疾上竄以吐諸痰飲宿食酸苦涌泄為

陰也煎湯滌邪穢藥用東流水本經云東流水為雲母石所畏鍊雲母用之煎利水藥用急流

水取其性走也煎水逆嘔吐藥用逆流水取其上涌痰涎也煎陽盛陰虛目不得瞑藥用千里流

水取其性之疾瀉也煎中暑神昏藥及食楓樹菌笑不止用地漿水急掘地陰地作坎取救垂絕

之陰也煎中暑亡汗藥及霍亂泄利不止用酸漿水糯米釀成煎乳餅者或水磨取收欲脫之陽

也黃霉雨水洗瘡疥滅斑痕白露雨水洗肌面滅顏色秋露膏清止癩除煩臘雪氣羶助

陽攝火。治天行時氣瘟疫解丹毒。雷水性暴動風發顛。夏冰陰凝發疔成瘡。柏葉菖蒲上露並能明目。韭葉上露去白癩風。靈膏花上露能損人目。浸藍水解毒殺蟲。誤吞水蛭。腹面黃者。噉此水。蟲下即安。瓶中養花水有毒傷人。臘梅者尤甚。鹵水鹹苦大毒。凡蝕蘆疥癬及毒蟲生子入肉者。塗之即化。但瘡有血者不可塗之。六畜食一合。當時死人亦然。生熟湯入鹽微鹹。霍亂者飲一二升。吐盡痰食即愈。方諸水。大蚌水也。向月取之。得至陰之精華。故能明目。止渴除煩。湯火瘡敷之有效。○上池水。竹籬頭上水也。長桑君飲扁鵲能洞鑑藏府。見垣一方人。東阿井水煎烏驢皮膠。治逆上之痰血。青州范公泉造白丸子。利膈化痰。二者皆濟水之分流也。○至若古塚廢井。澤中停水。山岩泉水有鬚及諸水。經宿面有五色者。皆有毒。非但不可服食。煎藥即洗滌亦忌之。

### 火部

諸火。北方炊食都用煤火。以地屬坎。足勝其氣。且助命門真火。人食煤火。長氣於陰。所以膂力強壯。南人食之多發癰毒。受其毒者。以鑿汁解之。然煤火處置大缸水於旁。則毒從水解。○南方炊食都用薪火。人食薪火。長氣於陽。氣多輕浮不實。不似北方之稟氣剛勁也。○凡煎補藥。文火緩煎。瀉藥武火急煎。煎膏用桑柴火最良。抱朴子云。一切神仙藥。不得桑柴不服。然不若煎收並用文火。則不傷藥性。○上古炊食都用炷。是為陽火。今皆擊石取火。則陰火也。用以炊食。猶之可也。若點文炷。尤非所宜。爰宜取太陽真火。否則真麻油燈。文炷點於炷上。則火瘡至愈不痛。○神鍼火。治寒

濕痺附骨陰疽。凡在筋骨隱痛者。鍼之火氣直達病所。○燔鍼即燒鍼。病在經筋所發諸痺。用之其效最捷。經云。治在燔鍼劫刺。以知為度。以痛為愈。○馬矢煨風痺藥。取其性緩。通行經絡也。○葶薪火吹瀉陽藥。取其輕揚。不損藥力。二者皆內經法也。○燈火焯小兒諸驚。及頭風腦痛。風痺緩急。以油能解風毒。火能通經絡也。○燈花治小兒邪熱在心。夜啼不止。以二三顆燈心湯調。抹乳吮之。○燭燼治疔腫。同胡麻鍼砂等分為末。和醋服之。治九漏。與陰乾馬齒莧等分為末。和臘豬脂敷之。取烏柏之餘力。以化歹肉也。○至於烟草之火。方書不錄。惟朝鮮誌見之。始自閩人吸。以祛瘴。向後北人藉以辟寒。今則通行寰宇。豈知毒草之氣。熏灼藏府。遊行經絡。能無壯火散氣之慮乎。近日目科內障尤中。間有用之獲效者。取其辛溫散冷積之翳也。不可與冰片同吸。以大濟火。多發煙毒。不可以藤點吸。恐其有蛇虺之毒也。吸烟之後。慎不得飲火酒。能引火氣薰灼藏府也。又久受烟毒。而肺胃不清者。以砂糖湯解之。烟筒中脂污衣上。滌之不去。惟嚼西瓜仁搽之。即淨。其滌除痰垢之力。可知。世以瓜子仁生痰。不亦謬乎。

### 土部

諸土 脾土喜燥惡溼。故取東壁太陽所照之土。引真火生發之氣。補土而勝溼。則吐瀉自止。用以制藥。皆為脾胃之引導耳。昔人以東壁土調水。治小兒嗜食泥土之病。取土入蟲口。而祛之。下行也。○道塗中執土。治夏月暈死。取溫以散熱也。若沃以冷水。虛陽立鏟。死不救矣。○白堊土。苦溫無毒。本經主女子寒熱癥瘕。月閉積聚。取土之間氣。以祛婦人間廁之積也。千金治婦人帶下等疾者。以



土能勝溼。而白則兼入氣分也。惟邯鄲者為勝。○黃土甘平無毒。乃中央正色。不占穢清。故色不黑。治泄利冷熱赤白。腹內絞痛下血。解諸藥毒閉口。椒毒野薑毒。○蚯蚓泥。治小兒陰囊熱腫。取寒能解毒也。熱病譫語狂亂。無燥結可攻者。蚯蚓泥涼水調服。○蛻螂轉丸。土治反胃吐利。霍亂湯淋絞汁飲之。醋調塗項上瘰癧。○土蜂窩。上細土。主頭風腫毒及蜂蟻傷。醋和傅之。○胡燕窩。土。主風瘙癢疹及惡刺瘡。浸淫瘡。並水和傅之。小品治溼瘍疥瘡。外台治蠅蝮尿瘡。千金治療疽丹毒。○鼠壤。土。通腎氣。解毒邪。取其搜風達數也。○蟻蛭土。下胞衣死胎。炒熟搗心下自出。○燒尸場上土。治好魔多夢置枕中。并塗關元及臍。○螺螄泥。主反胃吐食。取螺螄一斗。水浸取泥晒乾。每服一錢。大酒調服。○犬屎泥。治妊娠傷寒。塗腹保胎。○井底泥。治妊娠熱病。塗胸臍丹田護子。并治湯火燒瘡。○伏龍肝。乃竈心赤土。本經云。味辛微溫。主婦人崩中吐血。千金名釜月下土。言正對釜臍處也。然必日用炊飯者良。若煮羹者味鹹。不堪入藥。止欬逆吐血。消癰腫毒氣。蓋以失血過多。中氣必損。故取微溫調和血脈也。消癰腫毒氣者。辛散裏堅也。日華子主催生者。取溫中而鎮重下墜也。其胎漏不止。產後下利。並宜煮水澄清去滓代水煎藥。取溫土藏和營血也。千金方治中風口喎。狂不識人。並用攪水澄服。又久利不止。橫生逆產。胞衣不下。皆醋調塗臍腹效。小兒重舌。和苦酒塗之。發背酒調厚敷乾即易。平乃止。杖瘡腫痛。香油調塗。灸瘡腫痛。煮水熱淋。皆孫真人法也。外台治一切癰腫。和蒜泥貼乾再易之。○百草霜。燒百草之煤也。止血散瘀。上下諸血。悉主之。又陽毒發斑。取溫以解毒散火也。○釜臍墨。治陽毒發狂。黑奴丸中用之。千金治卒中惡。卒心痛。舌卒腫大等患。又下死胎不用百

草霜二錢。伏龍肝五錢。為細末。酒調。童便服二錢。少頃再服三服。即下。○梁上塵。一名烏龍尾。治妊  
娠胎動。橫生逆產。及金瘡鼻衄。疔腫惡瘡。小兒赤丹。取其輕浮。以散久積之氣也。○清煙墨灰。止吐  
衄血。逆上行。或生藕汁。或萊菔汁。或鮮地黃自然汁。磨服即止。然須燒灰。出火毒用之。但勿用乾地  
黃。和水搗磨。柏葉汁。甘蔗汁。咸非所宜。往往止截。後有痰積之患。飛絲入目。及一切塵物入目。磨濃  
墨點之。自出。或燈心蘸墨汁。頻捲之。○砂鍋。取年久炊食者。研細水飛。治黃腫積塊。酒服五錢。潞州  
者佳。○孩兒茶。一名烏爹泥。性澀收斂。止血收濕。為金瘡止痛生肌之要藥。○白磁器。研細水飛。傳  
癰腫。可代鍼砭。又點目去翳。○糞坑底泥。治背瘡疔腫。癰毒。陰乾為末。新水調敷。其痛立止。○坑涎  
同蟬蛻全蠍末。作餅。香油煎滾溫服。以滓傳疔四圍。其疔自出。

全部

金。生金辛平有毒。金箔無毒。發明。全能制木。故可療驚癇風熱肝胆之病。然須為箔。庶無重  
墜傷中之患。紫雪方用赤金葉子煎水。取制肝降痰逆也。若成塊錠金及首飾之類。非特無味。且有  
油膩。良非所宜。○銀箔。功用與金不殊。但入氣分。不入血分。稍為不同。肘後方治癰腫。五石湯用之。  
赤銅。苦平微毒。發明。賊風反折。以赤銅五銖燒紅。內二斗酒中百遍。服五合。日三服。以效為  
度。赤銅落。乃打銅落下之屑。與自然銅同類。故亦能接骨。煨赤醋沃七次。同五倍等。則染鬚黑潤。藏  
器曰。赤銅屑能鐸人骨。及六畜有損細研酒灌。直入骨損處。六畜死後。取骨視之。猶有鐸痕可驗。  
銅青。酸苦平小毒。發明。銅青藉醋結成。能入肝胆二經。以醋醃擦喉中。則吐風痰。為散瘡喉

瘵牙疳。醋調搗腋下。治胡臭。薑汁調點。爛沿風眼。去疔殺蟲。所治皆厥陰之病。

自然銅。辛平小毒。火煨醋淬七次。置地七日出火毒。水飛用。銅非煨不可入藥。新煨者火毒燥烈。

慎勿用之。發明。自然銅出銅坑中。性稟堅剛。散火止痛。功專接骨。骨接之後。即宜理氣活血。庶

無悍烈傷中。走散真氣之患。

古文錢。辛平小毒。發明。古錢以生薑汁塗。刮青點目。去障消瘀。散赤腫。一點即愈。但初點熱

淚。殘面。然終無損。惟作瘡者。與肝腎虛而內障生花者。不可用也。婦人逆產五淋者。汁用之。便毒初

起。與胡桃肉同嚼。食二三枚即消。便毒屬肝。金伐木也。

鉛一名黑錫。甘寒無毒。凡用取未經銀治新鉛。鎔淨去渣。再鎔成液。同硫黃煨。如焰起以醋洒之。候成

黑。及研之不黏滯為度。如煨不透。服之令人頭痛。以陰降太速。陽火無依故也。發明。鉛稟北方

炎水之性。陰極之精。內通於腎。故局方黑錫丹。宣明補真丹。皆用之。得汞交感。即能治一切陰陽混

淆。上盛下虛。氣升不降。噎膈反胃。嘔吐眩暈諸疾。又槌成薄片。置燒酒中半月許。結成白霜。取其酒

徐徐飲之。降陰火最捷。但性帶陰毒。恐傷心腎。不可多服。鉛性入肉。故女子以之絰耳。孔即自穿。

鉛粉一名胡粉。辛寒無毒。本經治伏尸毒。殺三蟲。發明。韶粉與黃丹同類。內有豆粉蛤粉。而

無硝鹽。但入氣分。功專止痛生肌。亦可入膏藥。代黃丹用。本經治伏尸毒。殺三蟲者。取鉛性之重

以鎮攝其邪。金匱甘草粉蜜湯。治虺病吐涎心痛。專取胡粉殺蟲。甘草安胃。蜜以誘入蟲口也。陶弘

景云。瘵尸蟲。彌良。

鉛丹一名黃丹 辛微寒無毒 本經治吐逆胃反驚癇癩疾除熱下氣 發明 鉛丹體重性沉味兼

鹽礬而走血分能墜痰止癰本經言止吐逆胃反治驚癇癩疾除熱下氣取其性重以鎮逆滿也仲

景榮胡龍骨牡蠣湯用之取其入胆以祛積痰也但內無積滯誤服不能無傷胃奪食之患傳瘡長

肉墜疾殺蟲皆鉛之本性耳目暴赤痛鉛丹蜜調貼太陽穴立效

蜜陀僧 鹹辛平小毒 發明 此感鉛銀硝石之氣而成其性重墜直入下焦故能墜痰截瘧瘰

瘡腫治驚氣入心包絡瘡不能言語者用蜜陀僧末一匕茶清調服即愈驚則氣亂取重以去怯而

平肝也但入口則漾漾欲吐以陰毒之性能傷胃氣也聖惠方鼻皴赤胞蜜陀僧細研入乳調夜則

塗之丹方治背瘡初起以醋煨七次桐油調圍患處即消同枯礬治汗癩體氣合五倍子桑鬣類同

鷹屎白滅癩痕水磨服解砒霜硫黃毒

錫 辛寒微毒 發明 錫為砒母故新造錫器不可盛酒越宿制瓶藏藥須舊錫雜鉛乃佳昔人

過飲燒酒昏迷欲絕或令以錫器貯沸湯蓋取氣水飲之即甦此與吹單布治湯氣重灼無異同氣

相感之力也

鐵落 辛寒有毒即燒鐵赤沸砧上爆下之屑也鐵銼內煨赤醋沃七次用 本經主風熱惡瘡瘍

疽痂疥氣在皮膚中 發明 素問云有病怒狂者治以生鉄落為飲清汁煎藥取其性沉下氣最

疾不可過服過服令人凜凜惡寒以其專削陽氣也本經主風熱惡瘡等疾皆肝心火熱所致辛寒

能除二經之熱也蘇恭以之炒熟投酒中療賊風痙病借酒以行皮膚中氣也

鐵砂 酸辛無毒。作鐵家磨鏡細末也。發明 鐵砂寒降善治濕熱脾勞黃病於鐵銚內煨通紅醋沃置陰處待半月結塊生黃化盡鐵性用為消脾胃堅積黃腫之專藥丹溪溫中丸用之又以製過鐵砂一兩入乾漆灰半錢香附三錢合平胃散五錢蒸餅為丸湯酒任下治瘵與溫中丸不殊

鐵精 平微溫小毒 本經明目化銅 發明 鐵之精華也出銀竈中紫色輕如塵者佳取至陰沉重之性得純陽火鍊而輕浮上升故可以療驚悸定風癩破胃脘積血作痛本經主明目取其鎮攝虛火之義以其得火氣之多也但胃氣虛寒人服之柱柱有奪食發呃之虞以純陰鎮攝太過而傷犯陽和之氣也

鐵繡一名鐵衣 辛寒無毒 發明 陶華云鐵繡水和藥服性沉重最能墜熱開結又能平肝消腫治惡瘡疥癬和油漆之婦人產後陰挺不收和冰片研水傳之蝮螻蜈蚣咬和蒜塗之

石部

玉 平淡無毒 發明 玉減癥痕日日磨擦久則自退研細水飛去目翳珊瑚瑪瑙寶石玻璃水晶為屑水飛皆能磨翳不獨玉屑為然也

雲母 甘平無毒凡用選白瑩者擘薄片取雨水或流水漬去砂土更以杖露漬數十日同露煮七日夜磨令極細搥指無復光明者乃可用之或同鹽入重布袋按之沃令鹽味盡懸當風處自然成粉弘景曰鍊之用礬則柔爛忌羊血者以其能解諸藥之性也與胡蒜尤為切禁犯之必腹滿作瀉黑者有毒傷人本經主身皮死肌中風寒熱如在車船上除邪氣安五藏益精明日久服輕身延年

發明 雲母生泰山山谷。色白者良。本經言雲母甘平。詳其性升亦應有甘溫助陽之力。故能辟一切陰邪不正之氣。主身皮死肌。以其能辟除陰毒也。其治中風寒熱。如在車船上。以其能鎮攝虛陽也。局方雲母膏。治一切癰毒。仲景方治牝瘡多寒。千金方治久利帶下。小便淋疾。及一切惡瘡。深師方治痰飲頭痛。何德揚治婦人難產。溫酒調服三錢。入口即下。金刀傷傳之。止血最速。且無腐爛之虞。陰疽腸癰亦多用之。皆取助陽之力也。久服能使身輕尸解。孫真人恒服之。但石藥性偏助陽。凡陰虛火炎者。慎勿誤與。

白石英 甘溫無毒。出泰山。以六稜瑩白如水晶者為真。林北海先生本草綱目必讀。但收紫而不及白。世鮮真者可知。本經治消渴。陰痿不足。欬逆胸膈間久寒。益氣除風濕痺。發明 白石英入手太陰。足陽明氣分。肺癰潰久。痿痺不起者宜之。本經主消渴。陰痿不足諸病。功專溫肺無疑。但石性慄悍。不可久服。仲景金匱風引湯。只令碎如米粒。不欲其滓入胃也。千金五石等方。俱鍛過水飛入丸。而五石丸專以鍾乳為君。合紫白石英赤石脂石膏。專溫藏氣。而石膏清胃。以解諸石之悍。且既經煅過水飛。不慮其滓之留中蘊熱也。

紫石英 甘溫無毒。出泰山。以五稜明淨深紫大塊者良。浙產者塊小。亦可入藥。經火則毒。生研極細。水飛三次用。時珍云。煅赤醋淬七次水飛用。非。本經主心腹欬逆邪氣。補不足。女子風寒在子宮。絕孕十年無子。發明 紫石英入手足少陰厥陰血分。上能鎮心。定驚悸。安魂魄。攝逆氣。重以去怯也。下能益肝。填補下焦。故陰火止消渴。溫以暖血也。女子經阻色淡不孕者宜之。本經治女子

風寒在子宮。絕孕十年者。服之能孕。非特以補兼散濁陰留結之驗也。若血熱紫黑者。禁用。為其性溫也。千金云。婦人欲求姜色者。勿服紫石英。令人色黑。非溫血之謂乎。故婦人絕孕。由於陰虛火旺。不能攝精者。禁用。

丹砂

一名砂

甘微寒無毒。研細水飛用。入火則烈。毒能殺人。急以生羊血童便金汁等解之。本經

主身體五藏百病。養精神。安魂魄。益氣明目。殺精魅邪惡鬼。久服通神明不老。能化為汞。發明

丹砂體陽性陰。外顯丹色。內含真汞。不熱而寒。離中有坎。也不苦而甘。火中有土也。嬰兒姪女。文會於中。鎮心安神。是其本性。用則水飛。以免鎮墮。不宜見火。恐性飛騰。本經治身體五藏百病。安定神明。則精氣自固。火不妄炎。則金木得平。而魂魄自定。五藏皆安。精華上發。而氣益目明。陽明神物。故應辟除不祥。消散陰惡殺厲之氣。仲淳繆子經疏之言也。同遠志龍骨則養心氣。同當歸丹參則養心血。以人參茯神濃煎。調入丹砂。治離魂病。以丹砂末一錢。和生雞子黃三枚。攪勻頓服。治姪娠胎動不安。胎死即出。未死即安。又以丹砂一兩為末。取飛淨三錢。於一時頃分三次酒服。治子死腹中。立出。慎勿經火。若經伏火及一切烹煉。則毒等於砒礪。惟養正丹則同鉛汞硫黃煅之。以汞善走。而火毒不致纏發也。

銀硃

辛溫有毒。忌一切血。

發明

水銀和硫黃煅煉成硃。轉姪為嬰。故專殺蟲治瘡。以毒攻毒

而已。今食品往往用之。良非所宜。觀其同蟹殼燒之。則臭蟲絕跡。和棗肉薰之。則瘡痂頓枯。其性悍

烈可知。

水銀一名 辛寒有毒水銀陰毒重者不可入人腹古法治誤食水銀令其人卧於椒上則椒內皆

含水銀今有誤食水銀腹中重墜用豬脂二觔切作小塊焙熟入生蜜拌食得下亦一法也 本經

主疥癩痂瘍白禿殺皮膚中蟲隨胎除熱殺金銀銅錫毒銘化還復為丹 發明 水銀乃至陰之

精質重著而性流利得益礬為輕粉加硫黃為銀珠煬成罐同硫黃打火升鍊則為靈砂同硝皂等

則為升降靈藥性之飛騰靈變無似之者此應變之兵在用者得其肯綮而執其樞要焉本經主疥

瘍白禿皮膚中蟲及隨胎除熱傳男子陰則陰消無氣以至陰之精能消陽氣故不利男子陰器也

和劑局方之靈砂丹專取硫黃以製汞養正丹兼取伏火丹砂以製鉛深得交通陰陽既濟水火之

妙用非尋常草木可以例推也千金治白癩風癢外台治蟲癬疥瘡梅師治痔瘡作痒肘後治一切惡

瘡藏器有云水銀入耳能蝕人腦令人百節攣縮但以金銀著耳邊即出頭瘡切不可用恐入經絡

必緩筋骨百藥不治

輕粉一名 辛燥有毒 發明 水銀加益礬鍊為輕粉化純陰為燥烈而陰毒之性猶存故能通

大腸傳小兒疳疽瘰癧殺瘡疥癬蟲風瘙瘡癢但以陰性暴悍善劫淫穢徽瘡食之竄入筋骨莫之

能出久久發為結毒致成廢人然必仍用水銀昇鍊入三白丹引拔毒之藥同氣相求以搜逐之癩

風醉仙丹通天再造散用以搜滌毒邪從齒縫出錢氏利驚丸白餅子皆用之取疫積從大便出真

瞑眩之首推也

靈砂 甘溫無毒 按胡演丹約祕訣云昇靈砂法用新鍋安道遙爐上蜜措鍋底文火下燒入硫



黃二兩。鎔化。投水銀八兩。以鐵匙急攪。作青砂頭。如有焔起。噴醋解之。待承不見星。取出細研。盛入水火鼎內。益泥固濟。下以自然火升之。乾水十盞為度。取出如束鍼紋者成矣。庚辛玉冊云。靈砂有三。以一伏時周天火而成者。謂之金鼎靈砂。以九度抽添。用周天火而成者。謂之九轉靈砂。以地數三十日炒鍊而成者。謂之老火靈砂。並宜桑灰淋醋煮。伏過用之。於硃砂中鍊出者。謂之真汞。尤為神效。發明。時珍曰。此以至陽釣至陰。脫陰反陽。故曰靈砂。為扶危拯急之靈丹。虛陽上逆。痰涎壅盛。頭眩吐逆。喘不得卧。寤不得寐。霍亂反胃。心腹冷痛。尤為鎮墜虛火之專藥。但不可久服。凡胃虛嘔吐。傷暑霍亂。心脾熱鬱。禁用。

雄黃。辛苦溫微毒。武都者良。入香油熬化。或米醋入蘿蔔汁煮乾用。生則有毒傷人。本經主寒

熱鼠瘻。惡瘡疽痔。死肌殺精物。惡鬼邪氣。百蟲毒。勝五兵。發明。雄黃生山之陽。純陽之精。入足

陽明經。得陽氣之正。能破陰邪。殺百蟲。辟百邪。故本經所主。皆陰邪濁惡之病。勝五兵者。功倍五毒之藥也。其治驚癇痰涎。及射工沙蟲毒。與大蒜合搗塗之。同硝石煮服。立吐腹中毒蟲。千金方治疔

腫惡瘡。先刺四邊及中心。以雄黃末傅之。聖惠方治傷寒狐惑。以雄黃燒於瓶中。重其下部。和劉局

方酒癰丸。同蠟尾巴豆。治酒積痛利。肘後方以雄黃礬石甘草湯煮。治陰腫如斗。經驗方以雄黃白

芷為末。酒煎。治破傷風腫。家祕方以雄黃細研。神麴糊丸。空心酒下四五分。日服無間。專消瘡母。急

救良方。以雄黃五錢。麝香二錢。為末。作二服。酒下。治風狗咬傷。外台祕要雄黃敷藥。箭毒攝生妙用。

雄黃硫黃菘豆粉。人乳調傅。酒釀鼻赤。不過三五次愈。痘癩證治。以雄黃一錢。紫草三錢。為末。臘脂

汁調先以銀簪挑破搭痘疔萬氏方治壅瘍漫腫色不嫩赤明雄黃細末三分雞子破殼調入飯上蒸熟食之重者不過三枚即消聖濟錄以雄黃豬膽汁調敷白禿頭瘡黃苗治惡瘡疥癬殺蟲和諸藥熏嗽千金方有欬嗽薰法

雌黃 辛平有毒 本經主惡瘡頭禿痂疥殺毒蟲身癢邪氣諸毒發明 雌黃出山之陰故單治瘡殺蟲而不能治驚癩痲疾本經治惡瘡頭禿痂疥與雄黃之治寒熱鼠癩迥乎陰陽之分矣其殺毒蟲身癢較雄黃之殺精物惡鬼邪氣解毒辟惡之性則一而功用懸殊治狂痂勝金丹用之不過借為搜陰邪之嚮導耳別錄治鼻中瘰肉不宜久服令人腦漏

石膏 辛甘大寒無毒清胃熱煖用治中暍熱生用一種微硬有肌理名理石主治與粗理黃石相類 本經主中風寒熱心下逆氣驚喘口乾古焦不能息腹中堅痛除邪鬼產乳金瘡 發明 古

人以石膏為根並為解利陽明經藥蓋石膏性寒葛根性溫功用詎可不辨葛根乃陽明經解肌散寒之藥石膏為陽明經平涼解熱之藥專治熱病暍病大渴引飲自汗頭痛溺瀆便閉齒浮面腫之

熱證仲景白虎湯是也東垣云立夏前服白虎令人小便不禁降令太過也今人以此湯治冬月傷寒之陽明證服之未有得安者不特石膏之性寒且有知母引邪入犯少陰非越婢大青龍小續命

中石膏佐麻黃化熱之比先哲有云凡病雖有壯熱而無煩渴者知不在陽明切勿誤與白虎本經治中風寒熱是熱極生風之象邪火上衝則心下有逆氣及驚喘陽明之邪熱甚則口乾古焦不能

息邪熱結於腹中則堅痛邪熱不散則神昏譫語等乎邪鬼解肌散熱外泄則諸證自退矣即產乳

金瘡亦是鬱熱。纏毒赤腫神昏。故可用辛涼以解泄之。非產乳金瘡可泛用也。其金匱越婢湯治風水惡寒。無大熱。身腫自汗不渴。以麻黃發越水氣。使之從表而散。石膏化導胃熱。使之從胃而解。如大青龍小續命等製。又不當以此執泥也。至於三黃石膏湯。又以伊尹三黃河間解毒。加入石膏麻黃香豉薑蔥。全以麻黃開發伏熱。石膏化導鬱熱。使之從外而解。蓋三黃石膏之有麻黃。越婢青龍續命之有石膏。白虎之加桂枝。加蒼朮。加人參。加竹葉麥門冬。皆因勢利導之捷法。千金五石丸等方。用以解鍾乳紫白石英石脂之熱性耳。別錄治時氣頭痛身熱。三焦大熱。皮膚熱。腸胃中熱。氣解肌發汗。止消渴煩逆腹脹。暴氣喘息咽熱者。以諸病皆由足陽明胃經邪熱熾盛所致。惟喘息略兼手太陰病。此藥能散陽明之邪熱。湯明熱邪下降。則太陰肺氣自益。故志主之。○精理黃石破積聚去三蟲。千金錄石散醋煨水飛。同白欽鹿角治石癰。以火鍼鍼破傳之。

滑石 甘寒無毒。色青赤者有毒。本經主身熱洩瀉。女子乳難癰閉。利小便。瀉胃中積聚寒熱。益

精氣。發明 滑石利竅。不獨利小便也。上能散表。下利水道。蒸蕩熱散溼。通利六府九竅。專劑

取甘淡之味。以清肺胃之氣。下達膀胱也。詳本經諸治。皆清熱利竅之義。河間益元散。通治表裏上

下諸熱。解時氣。則以葱豉湯下。催生則以香油漿水調服。暑傷心包。則以本方加辰砂末一分。使熱

從手足太陽而泄也。惟元氣下陷。小便清利及精滑者勿服。久病陰精不足。內熱。以致小便短少。赤

澀。雖有泄瀉。皆為切禁。而本經又言益精氣者。言邪熱去而精氣自復也。

赤石脂 甘酸辛溫無毒。五色石脂並溫無毒。本經養心氣明目益精。療腹痛腸澼。下痢赤白。小

便利及癰疽瘡痔。女子崩中漏下。產難胞衣不出。發明 赤石脂功專止血固下。仲景桃花湯治下利便膿血者。取石脂之重。瀉入下焦血分而固脫。乾薑之辛溫。煖下焦氣分而補虛。粳米之甘溫。佐石脂而固腸胃也。火熱暴注。初痢有積熱者勿用。本經養心氣明目益精。是指精血脫泄之病而言。用以固斂其脫。則目明精益矣。療腹痛腸澼等疾。以其開泄無度。日久不止。故取瀉以固之也。治產難胞衣不出。乃指日久去血過多。無力逆下。故取重以鎮之也。東垣所謂胞衣不出。瀉劑可以下之。設血氣壅滯。而胞衣不出。又非石脂所宜也。其白者斂肺氣。澀大腸。金匱風引湯用之。專取以杜虛風復入之路也。青者入肝。黃者入脾。黑者入腎。總取治崩利水之功。各隨其色而用之。

爐甘石 甘溫無毒。發明 爐甘石得金銀之氣而成。專入陽明經而燥濕熱。目病為要藥。時珍常用爐甘石煨飛海螵蛸礪砂等分為細末。點諸目病皆妙。又煨過水飛丸如彈圓。多攢鑿孔。燒赤煎黃連汁。淬數次。點眼皮溼爛。及陰囊腫濕。其功最捷。

無名異 甘平無毒。本經主金瘡折傷內損。止痛生肌肉。發明 無名異本經主折傷內損。今人治打傷腫痛。損傷接骨。又試效方。臨杖預用酒服三五錢。則杖不甚傷。蘇頌醋磨傅腫毒者。亦取活血涼血之功耳。

石鍾乳 甘溫無毒。以甘草紫背天葵同煮一伏時。杵粉入鉢細研。水飛澄過。再研萬遍。磁器收之。若不經煨煉。服之令人淋。本經主欬逆上氣。明目益精。安五藏通百節。利九竅。下乳汁。發明 鍾乳乃山靈陽氣所鍾。故瑩白中空。純陽通達。專走陽明氣分。若質實色渝。必生陰瘡。不無蛇虺之

毒誤餌傷人。惟產乳源形如鵝鴨管者最勝。然性偏助陽。陰虛之人慎毋輕服。內經云。石藥之氣悍。服之令陽氣暴充。形體壯盛。昧者得此自慶。益肆淫佚。精氣暗損。石氣獨存。孤陽愈熾。久之榮衛不從。發為淋濁。及為癰疽。是果乳石之過歟。抑人之自取耶。惟肺氣虛寒。效逆上氣。哮喘痰清。下虛脚弱。陰痿不起。大腸冷滑。精泄不禁等疾。功效無出其右。本經主效逆上氣者。取其性溫而鎮墜之。則氣得歸元而病自愈。五藏安則精自益。目自明。其通百節。利九竅。下乳汁者。皆取甘溫助陽。色白利竅之力也。昔人言鍾乳與白木相反。而千金方每多並用。專取相反之性。效其非常之效。予嘗親試。未嘗有害。孔公尊。孔竅中通。附垂於石。如木之尊。即鍾乳之林。本經利九竅。下乳汁之功。與鍾乳無異。而殷孽即孔公尊之根。又為瘡疽癰痔癩瘕溫散結氣之用。惜乎世鮮知者。

石灰

平溫有毒。

本經主疽瘍疥癢。熱氣惡瘡。癩疾死肌。墮眉殺痔蟲。去黑子瘰肉。發明。石

灰稟壯火之餘烈。故能辟除陰邪濕毒。觀本經所主疽瘍疥癬。熱氣惡瘡。癩疾死肌等。皆外治之用。去黑子者。大氣未散。性能灼物。故能去黑子瘰肉及墮眉也。本經雖不言有毒。而內服之方。從無及此。其毒可知。寇氏治中風口喎。以石灰醋炒調塗。右塗左。左塗右。立便牽正。千金治身面疣。用苦酒浸石灰六七日。取汁頻頻滴之。自落。又治溺死之人。用化過細灰裹下部。以滲其水即活。又治癰瘡不合。古塚中石灰厚傅之。集玄方治面皴疣痣。碱水煮滾化礦灰。抽糯米半入灰中。經宿色變如晶。以鍼撥撥動。點少許於上。半日汁出。別去藥不得著水。二日即愈。便簡方治疔腫腫痛。醋調陳年石灰傅之。肘後方治湯火傷灼。年久石灰油調傅之。又治刀刃金瘡。石灰裹之。即痛定血止。但不可著

水著水即爛肉也

浮石一名海石 賦平無毒。煨過水飛用。發明 海石乃水沫結成。色白體輕。故治上焦痰熱。止嗽點

目翳。傳痘癰。功效最捷。又治諸淋。散積塊。皆取賦能軟堅之意。消癭瘤。結核。疝氣。然惟實證宜之。虛

者誤投。患亦最速。以其性專剋削胃肺之氣也。南海有浮水之石。沉水之香。專取物類之相反。以治

病氣之阻逆也

陽起石本經名白石 賦溫無毒。色白。揉之如綿。不脆者真。質堅脆者即偽。煨過燒酒淬七次。杵細水飛

用。本經主崩中漏下。破子藏中血。癥瘕結氣。寒熱腹痛。無子。陰痿不起。補不足。發明 陽起石

乃雲母之根。石腎命門藥。下焦虛寒者宜之。黑錫丹用。此正以補命門陽氣不足也。本經治崩中漏

下。陽衰不能統攝陰血也。又言破子藏中血。癥瘕結氣。是指陰邪蓄積而言。用陽起石之賦溫散其

所積。則子藏安和。孕自成矣。陰虛火旺者忌用。以其性專助陽也

慈石本經名玄石。俗名燒鐵石 辛。賦微寒無毒。入藥煨過。醋淬七次。研細水飛用。本經主周痺風溼。肢節中

痛。不可持物。洗洗酸消。除大熱煩滿。及耳聾。發明 慈石為鐵之母。腎與命門約也。惟其慈。故能

引鐵。千金慈石丸。治陰虛龍火上炎。耳鳴嘈嘈。腎虛腫神散大。蓋慈石入腎。鎮養真精。使神水不外

移。硃砂入心。鎮養心血。使邪火不上侵。耳目皆受陰矣。本經主周痺風濕。肢節中痛。洗洗酸消。取辛

以通痺而祛散之。重以去怯而鎮固之。則陰邪退聽。而肢節安和。耳目精明。大熱煩滿自除矣。濟生

方治腎虛耳聾。以慈石豆大一塊。同煨穿山甲末。綿裹塞耳中。口含生鐵一塊。覺耳中如風雨聲。即

通。

代赭石本經名類九 苦甘平無毒。擊碎有乳形者真。火煨醋淬三次。研細水飛用。本經主鬼疰賊風。

蠱毒腹中毒邪。女子赤沃漏下。發明 赭石之重。以鎮逆氣入肝。與心包絡二經血分。本經治賊

風蠱毒。赤沃漏下。取其能收斂血氣也。仲景治傷寒吐下後。心下痞硬。噎氣不除。旋復代赭石湯。取

重以降逆氣。滌痰涎也。觀本經所治。皆屬實邪。即赤沃漏下。亦是肝心二經瘀滯之患。其治難產胞

衣不下。及大人小兒驚氣入腹。取重以鎮之也。陽虛陰痿下部虛寒。忌之。以其沉降而之。生發之功

也。

禹餘糧本經名白餘糧與太乙餘糧功用皆同 甘平無毒。細研水淘澄之。勿令有砂。本經主欬逆寒熱煩滿。下

赤白血閉。癢癢大熱。鍊餌服之。不饑輕身延年。發明 重可以去怯。禹餘糧之重。為鎮固之劑。手

足陽明血分藥。其味甘。故治欬逆寒熱煩滿之病。其性澀。故主赤白帶下。前後諸病。仲景治傷寒下

利不止。心下痞鞭。利在下焦。赤石脂禹餘糧丸主之。取重以鎮痞逆。潘以固脫泄也。抱朴子云。禹餘

糧丸日再服。三日後令人多氣力。負擔遠行。身輕不饑。即本經輕身延年之謂。

空青 甘酸大寒無毒。本經主青盲耳聾。明目利九竅。通血脉。養精神。益肝氣。久服輕身延年。

發明 空青感銅之精氣而結。故專入肝明目。本經主耳目九竅諸病。皆通血脉。養精神。益肝氣之

力也。久服輕身延年者。銅性善滌垢穢。垢穢去而氣血清純。毋伐天和矣。時珍曰。空青與綠青皆生

益州。及越雋山有銅處。東方甲乙是生肝胆。其氣之清者為肝血。其精英為膽汁。開竅於目。血者五

藏之英。皆因而注之為神。胆汁充則目明。減則目昏。銅亦青陽之氣所生。其氣之清者為綠。猶肝血也。其精英為空青之漿。猶胆汁也。其為治目神藥。蓋亦以類相感耳。但世罕得真。醫亦罕識。以故俗諺有天下有空青。人間無瞽目之說。不知此雖貴品。銅官始興涼州高平饒信等處亦皆有之。出銅坎者。銅質隱隱。內涵空綠。生金穴者。金星聚聚。內涵空青。總取得肝胆之精靈。通空竅之風氣也。予嘗以此驗之。攷之張果玉洞要訣云。空青似楊梅。受赤金之精。甲乙陰靈之氣。近泉而生。故能含潤。然必新從坎中出者。則鑽破中有水。若出礦日久。則乾如珠矣。安有藏久不乾之理。近世必以中空涵漿者為真。若爾則當名空漿。不當名空青矣。但須驗其中空。內有青綠如珠者。即真空青。急不可得。綠青可以代用。活法在人。可執一乎。

曾青。曾音層。其青層層而生。故石形如蚯蚓屎者真。酸小寒無毒。本經主目痛。止淚出。風痺。利關節。通九竅。破癥堅積。

聚久服輕身不老。發明。曾青治目。義同空青。以其並出銅礦。與綠青同一根源。曾青則綠青之

祖氣也。古方太乙神精丹用之。扁鵲治積聚留飲。有曾青丸。並見古今錄驗方。曾空二青。近世絕罕。

十金云。當取崑崙綠代之。即綠青也。

綠青。俗名石綠。微酸小毒。發明。疾在上宜吐之。在下宜利之。綠青吐風痰眩悶。取二三錢。同龍腦

少許調勻。以生薄荷汁。合酒溫服。便臥。涎自口角流出。乃愈。不嘔吐而功速。故著之。

扁青。俗名石青。甘平無毒。本經主目痛明目。折跌癰腫。金瘡不瘳。破積聚。解毒氣。利精神。發明。

石青走肝磨堅積。故本經所主。皆肝經積聚之病。時珍用吐風痰。研細溫水灌下。即吐。肝虛易驚多。



疾者宜之。形如縮砂者。名魚目青。主治與扁青無異。

石膽

俗名  
膽礬

酸。辛寒有毒。產秦州嵩岳及蒲州中條山。出銅處有之。能化五金。以之制汞則與金無異。

本經主目痛。金瘡。諸癩。瘰。女子陰蝕。痛。石淋。寒熱。崩中下血。諸邪毒氣。發明。石膽酸。辛氣寒。入少陽膽經。性寒收斂。味辛上行。能涌風熱痰涎。發散風木相火。又能殺蟲。本經主目痛。金瘡。癩。瘰。取酸辛以散風熱痰垢也。治陰蝕。崩淋。寒熱。取酸寒以滌濕熱淫火也。又為咽喉痺乳蛾。諸邪毒氣要藥。涌吐風痰最快。方用米醋煮真鴨嘴。膽礬末醋調。探吐膠痰即瘥。又治紫白癩風。膽礬牡蠣粉。生研醋調。摩之。風火咬傷。胆礬末水服。探吐。蜜調。傳之立愈。胃脘蟲痛。茶清調。胆礬末吐之。走馬牙疳。紅棗去核。入胆礬煨赤。研末。傳之。追出痰涎即愈。百蟲入耳。胆礬和醋灌之。即出。千金方也。

礬石。辛熱有毒。久服令人筋攣。煨法以黃泥包。炭火燒一日一夕。乃可用之。惡羊血。不入湯液。本經主寒熱鼠瘻。蝕死肌。風痺。腹中堅癖邪氣。發明。時珍云。礬石與砒石相近。性亦相類。但砒石略帶黃暈。礬石全白。稍有分辨。而古方礬石與礬石常相渾書。二字相似。故誤耳。然礬石性寒無毒。礬石性熱有毒。不可不審。甄權除隔間積氣。冷濕風痺。瘙癢。積十年者。仲景云。生用破人心肝。嚴冬以此置水中。則水不冰。其熱毒之性不減。砒石。今藥肆中往往以充砒石。而礬石僅可破積攻癖。不能開痰散結。是以勝金丹截瘡丹。服之不效者。良由誤用礬石之故。按王子敬靜息帖言。礬石深是可疑。凡喜服寒食散者。輒發癰毒。故云深可疑也。以其毒烈。乾汞最速。故丹房目為仙藥。凡山中有礬。則春不生草。冬不積雪。而鼠食則斃。鷲食則肥。物類之宜忌。有不可解者。其特生礬石。有蒼白。

苦桃花色金星銀星等類其毒不異惟出金穴中者名握雪礬石雖溫無毒與上迥為不同

砒石出信州故又名信石

苦辛大熱大毒色白有黃暈者名金脚砒鍊過者曰砒霜色紅者最劣不堪入藥

畏菜豆芽茶冷水入藥醋煮用或與芽茶同用或與浸濕生菜豆仁同研以殺其毒中其毒者以生

羊血解之冷水多灌亦解若犯火酒必不可救發明砒霜瘡家常用入口則吐利兼作吐後大

渴則與菜豆湯飲之砒性大毒誤食必死奈何以必死之藥治必不死之病豈不殆哉然狂癡之病

又所必需勝金丹用之無不應者枯痔散與天靈蓋同用七日痔枯自落取熱毒之性以枯歹肉天

靈蓋以透骨髓散宿垢長肌肉也

礬石 辛鹹平無毒色青者入肝力勝色黃者兼脾次之硝石煨過杵細水飛用發明青礬石

厥陰之藥其性下行治風木太過挾制脾土氣不運化積滯生痰癰塞膈上變生風熱諸病故宜此

藥重墜以下泄之使木平氣下而痰積通利諸證自除矣今人以王隱君滾痰丸通治諸痰怪證不

論虛實寒熱藥用殊為未妥不知痰因脾胃不能運化積滯而生膠固稠粘者誠為合劑設因陰虛

火炎煎熬津液凝結成痰如誤投之則陰氣愈虛陽火彌熾痰熱未除而脾胃先為之敗矣况乎脾

胃虛寒食少便溏者得之泄利不止禍不旋踵若小兒多變慢脾風證每致不救可不慎歟

花乳石一名花藥石

酸平溫無毒出陝華諸郡色黃中有淡白點以此得名又代州山谷中有五色者

制法以花乳石五兩同硫黃二兩入煬成罐內鹽泥固濟加頂火煨過研細水飛用發明花乳

石產硫黃山中其性大溫厥陰血分藥也葛可久治虛勞吐血有花藥石散以其性溫善散癥結也

和劑局方治金刃箭傷。打撲垂死。外有損處。以煨過細末。摻傷處。血化黃水。再摻即活。如內有損血入藏府。煎童子小便入酒少許。調灌一錢。七立效。婦人產後惡血衝心。昏暈不省。或胎死腹中。胞衣不下。致死。但心胸溫暖者。急以童便調灌一錢。取下惡血即安。若膈上有血。化為黃水。即時吐出。或隨小便出甚效。但陰虛火炎。中無瘀積者。誤用必殆。

河沙 微寒無毒。發明 河沙得水土之氣。故夏月發痲子。通石淋。主絞腸痧痛。用沙炒熟。冷水淬之。澄清服效。又風濕頑痺不仁。筋骨攣縮。六月取河沙曝熟。伏坐其中。冷即易之。取微汗。忌風冷勞役。不過數次。愈。其王田沙。夏月發痲疹良。

石燕 甘寒無毒。發明 石燕出祈陽西北江畔砂灘上。形似蚪而小。堅重於石。俗云雷雨則自石穴中出。隨雨飛墮者。妄也。其性寒涼。乃利竅行濕熱之物。故能療眼目障翳。磨水不時點之。熱淋煮汁飲之。婦人難產。兩手各執一枚。即下。然不若磨汁飲之。僅似有理。

石蟹 甘寒無毒。發明 石蟹生南海。近海州郡皆有之。體質石也。與蟹相似。或言崖州榆林港內。土極細。最寒。蟹不能運動。片時成石。亦妄言也。其性鹹寒質堅。能磨翳積。故青盲目。淫膚翳。丁翳。漆瘡。皆水磨點塗。催生下胎。療熱極血暈。熟水磨服。

蛇黃 溫微毒。發明 蛇黃生蛇腹中。如牛黃之類。世人因其難得。遂以蛇含石。醋煨水飛代之。取蛇之性竄入肝也。蛇含石入手足厥陰血分。與代赭石之性不甚相遠。為小兒鎮攝驚癇之重劑。脾風泄瀉者宜之。

霹靂砒即雷 温無毒。發明 雷楔稟東南水火之氣。治小兒驚癇磨汗服之。作枕辟惡夢不祥。鎮邪瘧。刮屑殺瘵蟲。下蠱毒。置箱篋不生蛀蟲。佩之安神。治驚邪之疾。

### 鹵石部

食鹽。鹹寒無毒。本經主結熱喘逆胸中病。令人吐。發明 鹹走腎走血。腎病血病人無多食。鹽以血得鹹則凝結也。補腎藥用之。不過借為引導耳。乾霍亂及臭毒頭疼腹痛。多用鹽水吐之。本經所主結熱喘逆者。以鹹能下氣。過鹹則引涎水聚於膈上而涌之也。好食鹹者。人多黑色。耗血之驗也。病水腫忌食。以其走腎助邪水之逆滿也。千金治妊婦橫生逆產。先露手足。以鹽摩產婦腹。并塗兜手足。急以爪搔之。即縮入而正產。又殺蠱毒。凡水蛭蚯蚓。得鹽即化為水。毒蟲螫者。以鹽擦之。其毒即解。鹽之味鹹性降。下氣最速。治下部匿瘡。吐胸中痰癖。止心腹卒痛。不可多食。傷肺喜欬。扁鵲云。能除一切大風痛。炒熱熨之。今人救朱魚。咬雷雷雨欲死。但口微動者。速將鹽少許調水。貯魚於中。時時微動其水。即活。鱗尾有損處。以鹽塗之。即生出。鹽為水之精。專得涵養之力也。今人食暴雨潦水腹脹。以鹽湯探吐即安。其解水毒可知。

戎鹽一名石鹽俗名青鹽與光明鹽同類 鹹寒無毒。本經主明目目痛。益氣堅筋骨。去毒蠱。發明 戎鹽稟至陰之氣。凝結而成。不經煎鍊。生涯涖之陰。功專走血入腎。治目中瘀赤昏澀。金匱茯苓戎鹽湯。治小便不通。取其補腎利膀胱也。又能固齒明目。治目痛。益氣堅筋骨。一皆補腎之力。本經首主明目目痛。是熱淫於內。治以鹹寒。又言去毒蠱者。鹹能要堅。蠱毒邪氣不能浮長矣。

鹵鹼。一名石鹼。苦鹹微寒無毒。本經主大熱消渴狂煩除邪及下蠱毒柔肌膚。發明 鹼味鹹性

走。故能消痰磨積祛熱煩蠱毒消渴屬實熱者宜之。肌膚粗者以湯洗之頑皮漸退。即是柔肌膚之

謂也。○水鹼乃竈灰淋湯冲銀鋤脚所造。性能發麵。故麵鋪中無不用之。病人食之多發浮腫。故方

後每忌濕麵。觀其善滌垢。剋劑可知。

凝水石。即寒水石。辛鹹寒無毒。近世直者絕不易得。欲驗真偽。含之即化為水。石即是偽。石膏亦名寒

水石。與此不同。本經主身熱腹中積聚邪氣。皮中如火燒煩滿。發明 寒水石生積鹽之下。得

陰凝之氣而成鹽之精也。治心腎積熱之上藥。本經治腹中積聚。鹹能軟堅也。身熱皮中如火燒。鹹

能降火也。金匱風引湯。局方紫雪。皆用以治有餘之邪熱也。如無真者。戎鹽玄精石皆可代用。總取

鹹寒降泄之用耳。

玄精石。辛鹹寒無毒。青白龜背者良。本經除風冷邪氣濕痺。益精氣。發明 玄精石稟太陰

之精。與鹽同性。故其形皆六出。象老陰之數也。本經言味鹹氣溫。傳寫之誤。其氣寒而不溫。其味辛

鹹。沉降。同硫黃硝石。治上盛下虛。收陽助陰。有扶危拯逆之功。來復丹用之。專取一陽來復之義。寒

因寒用。深得本經諸治之奧。

朴硝。辛苦鹹寒有毒。黃者傷人。赤者殺人。入藥必取白者。以水煎化。澄去滓。入萊菔自然汁同煮。

傾入盆中。經宿結成如冰。謂之盆硝。齊衛之硝。上生鋒芒。謂之芒硝。川晉之硝。上生六稜。謂之牙硝。

取芒硝再三。以萊菔汁煉去鹹味。懸當風處。吹去水氣。輕白如粉。謂之風化硝。以芒硝牙硝同萊菔

汗甘草煎過。鼎罐昇煨。謂之玄明粉。本經主五藏積熱。胃脹閉滯。蓄結飲食。推陳致新。除邪氣。

簡在硝石條內。今正之。詳治五藏等證。皆熱邪固積。決非硝石所能。發明 熱淫於內。治以鹹寒。堅者以鹹。要之。熱者以寒消之。不

出本經。推陳致新之妙用。仲景大陷胸湯。大承氣湯。調胃承氣湯。皆用芒硝。要堅去實。且帶微平。所

以走而不守。若熱結不至。堅者不可輕用。小兒赤遊風。以硝傾湯中。取布蘸濕拭之。

玄明粉。柳葯院方。名白龍粉。辛甘微寒無毒。發明 玄明粉用芒硝煨過多。佐以甘草。緩其鹹寒之性。

用治膈上熱痰。胃中實熱。腸中宿垢。非若芒硝之力峻傷血也。然脾胃虛寒。及陰虛火動者。慎勿輕

用以取虛虛之咎。

風化硝 甘鹹寒無毒。發明 風化硝甘緩輕浮。故治上焦心肺痰熱。而不致於泄利者。宜之

并治經絡之痰濕。但重者而非痰痛者。用之有效。指迷茯苓丸。治痰濕流於肩背之陽位。而隱隱作

痛。最為合劑。然惟體肥氣實者為宜。眼臉赤腫。和人乳點之。

硝石。即煇硝。辛苦鹹溫有毒。溶化投甘草結定。取用本經主百病。除寒熱邪氣。逐六府積聚。結固留

癖。能化七十二種石。諸家本草皆錯簡在朴硝條內。詳化七十二種石。豈朴硝能之。發明 煇硝屬火。其性上升。能破積散堅。治

諸寒熱交錯之病。升散三焦火鬱。調和藏府虛寒。除寒熱邪氣。逐六府積熱。不出本經主治也。別錄

言天地至神之物。能化七十二種石。抱朴子亦云。能消柔五金。化七十二石。其錯簡可知。與硫黃同

用。即配偶二炁。均調陰陽。有升降水火之功。治冷熱緩急之病。蓋硫黃性煖而利。其性下行。硝石性

煖而散。其性上行。一升一降。此制方之妙也。

礪砂 鹹苦辛熱有毒。醋煮乾刮下用。番禹者良。畏酸漿水。忌羊血。中有毒者。生菜豆研汁恣飲解之。發明 礪砂大熱。乃鹵液所結。秉陰毒之氣。含陽毒之精。破積攻堅。無出其右。故能治噎膈反胃。積塊肉癥。其性能柔金銀。故錐藥用之。所言化人心為血者。甚言其迅利也。外用治惡肉。除疔贅。去鼻中瘻肉。最捷。但不可過用。用過急。以甘草湯洗之。觀金銀有偽。投礪砂罐中。恚能消去。況入腹中有久積死胎。豈不腐潰。但其性毒烈。苟有生機。慎勿輕試。

蓬砂

一名鵬砂

甘微鹹無毒。甘草湯煮化。微火炒鬆用。

發明

蓬砂味甘微鹹。氣溫色白。而質輕。能

去胸膈上焦之實熱。素問云。熱淫於內。治以鹹寒。以甘緩之是也。其性能柔五金而去垢膩。故主痰嗽喉痹。破癥結。治噎膈積聚。骨鯁結核惡肉。取其能柔物也。含化嚙津。治喉中腫痛。膈上痰熱。取其能散腫也。眼目障翳。口齒諸病。用之。取其能滌垢也。昔人治骨鯁。百計不下。取含嚙汁。脫然如失。此軟堅之徵也。

石硫黃

酸鹹大熱有毒。以萊菔挖空。入硫黃蒸熟用。或入豆腐中煮七次用。或醋煨用。或豬臟中

制用。各隨本方。硫是礬之液。礬是鐵之精。磁石是鐵之母。故礬砂磁石制入硫黃。立成紫粉。硫能乾水。見五金而黑。得水銀則赤也。本經主婦人陰蝕。疽痔惡血。堅筋骨。除頭禿。發明 硫黃稟純陽之精。賦大熱之性。助命門相火不足。寒鬱火邪。胃脘結痛。腳冷痿弱者宜之。其性雖熱。而能疎利大腸。與燥澀之性不同。但久服傷陰。大腸受傷。多致便血。傷寒陰毒。爪甲純青。火焰散。屢奏神功。陰水腹脹。水道不通。金液丹服之即效。本經治陰蝕。疽痔。乃熱因熱用。以散陰中蘊積之垢熱。但熱邪

亢盛者禁用。又言堅筋骨者，取以治下部之寒溼。若溼熱痿痺，良非所宜。人身陰常不足，陽常有餘，苟非真病虛寒，胡可服此毒熱。類按有久服硫黃人漸縮小之例，石頑親見李堯占服此數年，臨斃縮小如七八歲童子狀。正內經所謂熱則骨消筋緩是也。

**礬石** 酸澀微寒無毒，明如鵬砂，起橫襖者，名馬齒礬，最勝生用。煨用各隨本方生者多，食破入心肺。本經主寒熱洩利，白沃陰蝕惡瘡，目痛堅骨齒。發明：白礬專收溼熱固虛脫，故本經主寒

熱泄利，蓋指利久不止，虛脫滑泄，因發寒熱而言。其治白沃陰蝕惡瘡，專取滌垢之用。用以洗之，則治目痛，嗽之則堅骨齒。弘景曰：經云：堅骨齒，誠為可疑。以其性專入骨，多用則損齒，少用則堅齒。齒

乃骨之餘也。為末去鼻中瘕肉，其治氣分之痰濕癰腫，最捷。侯氏黑散用之，使藥積腹中，以助悠久之功。故蠟礬丸以之為君。有人遍身生瘡如蛇頭，服此而愈。甄權生含嚙津，治急喉痺，皆取其去穢

之功也。若溼熱方熾，積滯正多，誤用收滯，為害不一。歧伯言：久服傷人骨。凡陰虛咽痛，誤認喉風，陰冷腹痛，誤認臭毒，而用礬石，必殆。

**綠礬** 一名兒礬，酸寒無毒。發明：兒礬專除垢膩，同蒼朮酒麴醋丸，治心腹中滿，或黃腫如土色，甚效。蓋礬色綠，味酸，燒之則赤，用以破血分之瘀積，其效最速。金匱治女勞黑瘵，硝石礬石丸，專取兒

礬以破瘀積之血。緣其未經註明，嘗有誤用白礬，滯收殊昧此理。又婦人白沃經水不利，子藏堅癖，中有乾血白物，用礬紅杏仁蜜丸納陰中，日一易之。



甘草一名國老

甘平無毒。反海藻。大戟。甘遂。芫花。補中散表。炙用。瀉火解毒。生用。中心黑者有毒。勿用。

本經主五藏六府寒熱邪氣。堅筋骨。長肌肉。倍氣力。解金瘡腫毒。發明。甘草氣薄味厚。升降

陰陽。大緩諸火。生用則氣平。調脾胃。虛熱。大瀉心火。解癰腫。金瘡諸毒。炙之則氣溫。補三焦元氣。治

藏府寒熱而散表邪。去咽痛。緩正氣。養陰血。長肌肉。堅筋骨。能和衝脈之逆。緩帶脈之急。凡心火乘

脾。腹中急痛。腹皮急縮者。宜倍用之。其性能緩急。而又協和諸藥。故熱藥用之。緩其急。寒藥用之。緩

其寒。寒熱相兼者。用之得其平。本經治藏府寒熱邪氣。總不出調和胃氣之義。仲景附子理中用甘

草。恐僭上也。調胃承氣用甘草。恐速下也。皆緩之之意。小柴胡有黃芩之寒。人參半夏之溫。而用甘

草。則有調和之意。炙甘草湯。治傷寒脈結。代心動悸。渾是表裏津血不調。故用甘草以和諸藥之性。

而復其脈。深得攻補兼該之妙用。惟土實脹滿者。禁用。而脾虛脹滿者。必用。蓋脾溫則健運也。世俗

不辨虛實。一見脹滿。便禁甘草。何不思之甚耶。凡中滿嘔吐。諸溼腫滿。酒客之病。不喜其甘。藻戟

遂芫與之相反。亦迂緩不可救昏昧耳。而胡洽治痰癖。以十棗湯加甘草。大戟。乃痰在膈上。欲令通

泄。以拔病根也。古方有相惡相反並用。非妙達精微者。不知此理。其稍去莖中痛。節解癰疽毒。條草

生用。解百藥毒。凡毒遇土則化。甘草為九土之精。故能解諸毒也。千金方云。甘草解百藥毒。如湯沃

雪。有中烏頭巴豆毒。甘草入腹。即定。驗如反掌。方稱大豆解百藥毒。予每試之不效。加甘草為甘豆

湯。其驗甚捷。嶺南人解蠱。凡飲食時。先用炙甘草一寸嚼之。若中毒。隨即吐出。

黃耆。甘溫無毒。入益氣藥。炙用。入解表及托裏藥。生用。肥潤而軟者良。堅細而枯者。食之令人胸

滿。本經主癰疽久敗排膿止痛。大風癩疾。五疳鼠瘻。補虛小兒百病。發明。黃耆甘溫。氣薄味厚。升少降多。陰中陽也。能補五藏諸虛。入手足太陰手陽明少陽。而治脈弦自汗。瀉陰火去肺熱。無汗則發。有汗則止。入肺而固表。虛自汗。入脾而托已潰癰瘍。本經首言癰疽久敗。排膿止痛。次言大風癩疾。五疳鼠瘻。皆用生者。以疏衛氣之熱。性雖溫補。而能通調血脈。流行經絡。可無疑於壅滯也。其治氣虛盜汗自汗。及皮膚痛。是肌表之藥。治咯血柔脾胃。是中州之藥。治傷寒尺脈不至。補腎藏元氣不足。及嬰兒易感風邪。發熱自汗諸病。皆用炙者。以實衛氣之虛。乃上中下內外三焦藥。即本經補虛之謂。如痘疹用保元湯。治脾肺虛熱。當歸補血湯。治血虛發熱。皆為聖藥。黃耆同人參則益氣。同當歸則補血。同白朮防風則運脾溼。同防己防風則祛風溼。同桂枝附子。則治衛虛亡陽汗不止。為腠理開闔之總司。又黃耆性專實衛。溫補下元。而當歸補血湯。曷不用地黃之屬。反用此三倍於歸。其義何居。蓋陰血之虛而發熱。明係陽從陰元。自必峻用陰中之陽藥為君。兼當歸引入血分。自然陽生陰長。陰邪退聽。而元熱除矣。若用純陰滋膩。徒資膠滯。熱無由而散也。是須黃耆固護其營。不使重奪其汗。而陰自守。熱自除矣。昔人言無汗不得用黃耆。服之令人胸滿。此指表實形瘦色蒼。胸中氣盛者而言。若衛氣虛衰之人。感寒雖用表藥。多不能作汗。須用黃耆建中之屬。始得汗解。不可拘於俗見而廢聖法也。唐許胤宗治柳太后病。風不能言。脈沉而口噤。乃造黃耆防風湯數斛。置於床下。氣如烟霧。一夕便得語也。此義惟玉屏風散得之。黃耆性畏防風。然得防風其功愈大。蓋相畏而相使者也。

人參古作夜 甘苦微温無毒。產高麗者良。反藜蘆。畏鹵鹽。陰虛火炎。咳嗽喘逆者。青鹽製之。本經

補五藏安精神。定魂魄。止驚悸。除邪氣。明目開心。益智。久服輕身延年。發明 人參甘温。氣薄味

厚。陽中微陰。能補肺中元氣。肺氣旺。四藏之氣皆旺。精自生而形自盛。肺主諸氣。故也。古人血脫益

氣。蓋血不自生。須得補陽氣之藥。乃生。陽生則陰長。血乃旺耳。若單用補血藥。血無由而生也。素問

言無陽則陰無以生。無陰則陽無以化。故補氣必用人參。補血須兼用之。仲景言病人汗後身熱亡

血脈。沉遲下利身涼。脈微血虛。並加人參。蓋有形之血。未能即生。希微之氣。所當急固。無形生有形

也。丹溪言虛火可補。參者之屬。實火可瀉。參連之屬。後世不察。緊謂人參補火謬矣。夫火與元氣。勢

不兩立。正氣勝則邪氣退。人參既補元氣。又補邪火。是反覆之小人矣。又何與甘草茯苓白朮為四

君子耶。凡人面白黃。面青。驚悸者。皆脾肺腎氣不足。可用也。面赤面黑者。氣壯神強。不可用也。脈浮

而乳濡。虛大遲緩無力。沈而遲澇。弦細微弱結代。或右手關部無力。皆可用也。若弦強緊實。滑數洪

盛。長大有力。或右手獨見脈實。皆火鬱內實。不可用也。潔古謂喘嗽勿用者。痰實氣壅之喘也。若腎

虛氣短喘促者。必用也。仲景謂肺寒而嗽勿用者。寒束熱邪。壅滯在肺之嗽也。若自汗惡寒而嗽者。

必用也。東垣謂久病鬱熱在肺勿用者。乃火鬱於內。宜發不宜補也。若肺虛火旺。氣短自汗者。必用

也。丹溪言諸病不可驟用者。乃邪氣方銳。宜散不宜補也。若裏虛吐利。及久病胃弱。虛痛喜按者。必

用也。節齋謂陰虛火旺吐血勿用者。乃血虛火元。能食脈強。服人參則陽愈旺。陰愈消。未有不引血

大脫也。若自汗氣短。肢寒脈虛者。必用也。古今治勞。莫過於葛可久。其獨參湯保真湯。未嘗廢人參

而不用。惟麻疹初發。身發熱而斑點未形。傷寒始作。證未定而熱邪方熾。不可用耳。喻嘉言曰。傷寒有宜用人參入藥者。發汗時元氣大旺。外邪乘勢而出。若元氣素弱之人。葯雖外行。氣從中餒。輕者半出不出。留連致困。重者隨元氣縮入。發熱無休。所以虛弱之人。必用人參入表葯中。使藥得力。一湧而出。全非補養之意。即和解葯中。有人參之大力居間。外邪遇正。自不爭而退舍。亦非偏補一邊之意。而不知者。謂傷寒無補。邪得補彌熾。斷不敢用。而市井愚夫。乃交口勸病人不宜服參。醫者又避嫌遠謗。一切可生之機。悉置之不理。殊失本經除邪氣之旨矣。古今諸方。表汗用參。蘇飲。敗毒散。和解用小柴胡。解熱用白虎。加人參湯。竹葉石膏湯。攻下用黃龍湯。領人參深入驅邪。即熱退神清。從仲景至今。明賢方書。無不用人參。何為今日醫家。屏絕不用。以阿諛求容。全失一脈相傳宗旨。殊不知誤用人參殺人者。皆是。與黃耆。白朮。乾薑。當歸。肉桂。附子。同行溫補之誤所致。不與羌獨。柴前。芎。半。枳。桔。等。同行汗和之法所致也。安得視人參為砒鴆刀刃。固執不用耶。又痘疹不宜輕用人參者。青乾紫黑。陷。血熱毒盛也。若氣虛頂陷。色白皮薄。泄瀉。漿清。必用也。故博愛心。鑑治痘。以保元湯為要葯。人參得并麻補上焦之氣。瀉中州之火。得茯苓補下焦之氣。瀉腎中之火。東垣交泰丸用人參皂莢。是惡而不惡也。治月閉。用四物加人參五靈脂。是畏而不畏也。疾在胸膈。以人參藜蘆同用。而取涌越。是激其怒性也。惟右手獨見脈實者。為肺經本有火。故不宜用。若右手虛大而嗽者。雖有大邪。此為虛火上炎。腎水不足。乃刑金之火。非肺金之火。正當以人參救肺。但須多用。方始得力。若少用。必增脹滿。本經言安五藏。定魂魄。止驚悸。明目。開心。益智者。以藏氣安和。心神寧定。當無驚悸。昏

昧之慮矣。其除邪氣者。以甘溫之力。協諸表藥。助胃祛邪。譬諸坐有君子。則小人無容身之地矣。繆子經疏云。人參論其功能之廣。如本經所說。信非虛語。第其性亦有所不宜。世之錄其長者。或遺其短。摘其瑕者。并棄其瑜。是以或當用而後時。或非宜而妄投。或不蒙其利。反見其害。二者之誤。其失則一。使良藥不見信於世。粗工互騰其口說。豈知人參本補五藏真陽之氣者也。若夫虛羸。眩暈。勞役。饑飽所傷。努力失血。以致陽氣短乏。陷入陰分。發熱倦怠。四肢無力。或中暑傷氣。氣無以動。或嘔吐泄瀉。霍亂轉筋。胃弱不食。脾虛不磨。或真陽衰少。腎氣乏絕。陽道不舉。或中風失音。產後氣喘。小兒慢驚。痘後氣虛。潰瘍長肉等證。投之靡不立效。惟不利於肺家有熱。咳嗽吐痰。吐血衄血。骨蒸。癆瘵。陰虛火動之候。蓋肺者清肅之藏。真氣無虧。則靈謐清淨。以受生氣之薰蒸。而朝百脈。尚縱恣情欲。虧損真陰。火空則發。熱起於下。火熾乎上。則肺先受之。火乃肺之賊邪。邪氣勝則實。實則肺熱鬱結。為痰嗽癢。而血熱妄行。溢出上竅。王好古所謂肺熱還傷肺是也。若誤投之。鮮克免者。此皆實實之誤。於人參何咎哉。○產山西太行山者。名上黨人參。雖無甘溫峻補之功。却有甘平清肺之力。亦不似沙參之性寒。專泄肺氣也。○參蘆能耗氣。專入吐劑。涌虛人膈上清飲宜之。鹽疇用參蘆涌吐最妙。參蘆涌吐。參鬚下泄。與當歸紫苑之頭止血。身和血尾破血之意不殊。參鬚價廉。貧乏之人。往往用之。其治胃虛嘔逆。效嗽失血等證。亦能獲效。以其性專下行也。若治久痢滑精。崩中下血之證。每致增劇。以其味苦降泄也。其蘆世罕知用。惟江右人稱為竹節參。近日吾吳亦有用之者。其治瀉利膿血。崩帶精滑等證。俱無妨礙。如氣虛火炎。喘嘔嗽血。誤用轉劇。昔人用以涌吐者。取其性升。而於

補中寓瀉也此義前人未發因屢驗而筆之

沙參 甘淡微寒無毒有南北二種北者質堅性寒南者體虛力微反藜蘆 本經主血結驚氣除

寒熱補中益肺氣 發明 沙參專泄肺氣之熱故喘嗽氣壅小便赤澀不利金受大剋陰虛失血

或喘欬寒熱及肺痿等疾宜之本經主血結驚氣者因驚氣入心心包熱鬱而血結也除寒熱者鬱

熱解而寒熱除也補中益肺氣者用以清理肺胃之虛熱則津液復而正氣受益矣潔古言肺寒用

人參肺熱用沙參好古言沙參性寒補五藏之陰總未達輕虛泄熱之義也衛生方治肺熱欬嗽沙

參一味水煎服之肘後方治卒然心痛自汗欲死沙參為木酒服立瘥證治要訣治婦人白帶沙參

為末米飲服之蓋沙參專開肺氣肺氣清則肝木邪散而疝自除帶自愈矣時珍云人參甘苦而溫

其體重膏專補脾胃元氣因而益肺與腎故內傷元氣者宜之沙參甘淡而寒其體輕虛專清肺氣

因而益脾與腎故金受大剋者宜之此即本經補中益肺氣之謂一補陽而生陰一補陰而制陽不

可不辨

桔梗 本經名 薺尾

辛甘苦微溫無毒甘者為薺尾苦者為苦梗咬之腥濇者為木梗不堪入藥 本經

主胸脇痛如刀刺滿腹腸鳴幽幽驚恐悸氣 發明 桔梗上升清肺氣利咽喉為肺部引經又能

開發皮膚故與羌獨柴胡藜蘆輩同為解表藥與甘草同為舟楫之劑諸藥有此一味不能下沉也

傷寒邪結胸脇則痛如刀刺邪在中焦則腹滿腸鳴幽幽辛甘升發苦淡降泄則邪解而氣和矣其

主驚恐悸氣者心脾氣鬱不舒用以升散也朱肱用桔梗治胸中痞滿總不出本經主治仲景治寒

實結胸。同貝母巴豆。取其温中消穀破積也。治肺癰唾膿血。用桔梗甘草。取排膿而清濁氣也。治少陰證。二三日咽痛。用甘桔湯。取其調寒熱通陰氣也。千金方治喉痺毒氣。桔梗二兩。水煎頓服。加甘草連翹荆防。名如聖湯。通治咽喉諸病。桔梗有甘苦二種。甘者曰薺。千金治強中為病。莖長興發不文精出。取其能升解熱邪於上也。又乾欬嗽。乃痰火之邪。鬱在肺中。亦宜甘以潤之。痢疾腹痛。乃肺金之氣鬱在大腸。則宜苦以開之。甘升而苦降也。此藥升降諸氣。能入肺使諸氣下降。俗泥為上升而不能下行。失其用矣。痘疹下部不能起發。為之切忌。以其性升。能阻藥力於上。不得下達也。惟陰虛久嗽不宜用。以其通陽泄氣也。其蘆吐膈上風熱實痰。生研末。白湯調服。二三錢探吐之。

黃精。

甘平無毒。勿誤用釣吻。釣吻即野葛。葉頭尖有毛。釣子又名斷腸草。誤服殺人。黃精則莖葉

花黃。葉似竹葉也。

發明

黃精為補中宮之勝品。寬中益氣。使五藏調和。肌肉充盈。骨髓堅強。皆

是補陰之功。但陽衰陰盛人服之。每致泄瀉痞滿。不可不知。

葳蕤。

本經名女萎。又名玉竹。

甘平無毒。肥白者良。入發散風熱藥生用。入補藥蜜水拌。飯上蒸熟用。

本經

主中風暴熱。不能動搖。跌筋結肉。諸不足。久服去面黑野。好顏色潤澤。輕身不老。發明 葳蕤甘

潤性平。滋肺益腎。補而不壅。善調厥陰久襲之風。故本經治中風暴熱等病。皆取其養正祛邪之力

也。別錄主心腹結氣。虛熱腰痛。莖中寒。目痛。皆爛淚出。甄權主內補不足。去虛勞客熱。頭痛不安。干

金治風温。自汗身重。語言難出。葳蕤湯以之為君。其源本諸麻黃升麻湯。深得仲景之奧。時珍用治

虛勞寒熱。店瘧不足之證。用代參香。不寒不燥。大有殊功。不止於去風熱温毒而已。又主小便平淋。

發熱口乾眼黑頭眩目赤澀痛其性雖潤而無傷犯脾胃奪食泄瀉之虞但其性之緩耳

知母 苦甘寒無毒肥白者良鹽酒炒用 本經主消渴熱中除邪氣肢體浮腫下水補不足益氣

發明 知母沉降入足少陰氣分及足陽明手足太陰能瀉有餘相火理消渴煩蒸仲景白虎湯

酸棗湯皆用之下則潤腎燥而滋陰上則清肺熱而除煩但外感表證未除瀉痢燥渴忌之脾胃虛

熱人誤服令人作瀉減食故虛損大忌近世誤為滋陰上劑勞瘵神丹因而夫枉者多矣本經言除

邪氣肢體浮腫是指濕熱水氣而言故下文云下水補不足益氣乃濕熱相火有餘燥灼精氣之候

故用此清熱養陰邪熱去則正氣復矣

肉從蓉 甘鹹微溫無毒酒洗去甲及腐切片焙用 本經主五勞七傷補中除莖中寒熱痛養五

藏強陰益精氣多子婦人癥瘕 發明 肉從蓉與瑣陽總是一類味厚性降命門相火不足者宜

之峻補精血驟用反動大便滑泄本經主勞傷補中者是大衰不能生土非中氣之本虛也治婦人

癥瘕者鹹能堅而走血分也又從蓉止洩精遺瀝除莖中寒熱痛以其能下導虛火也鎮陽治腰

膝軟弱以其能溫補精血也總皆滋益相火之驗老人燥結宜煮粥食之但胃氣虛者服之令人嘔

吐泄瀉強陽易興而精不固者忌之

天麻 本經名離母一名 辛平微溫無毒濕紙裏煨熟切片用 本經主殺鬼精物蠱毒惡氣久服

益氣力長陰肥健 發明 天麻味辛濃厚性升屬陽為肝家氣分藥故肝虛不足風從内生者天

麻芎藭以補之諸風掉眩眼黑頭旋風虛內作非天麻不治小兒驚痰風熱服天麻即消天麻乃定



風草。久服則遍身發出紅斑。是驅風之驗也。按天麻性雖不燥。畢竟風劑。若血虛無風。丈夫頭痛。口乾使閉者。不可妄投。本經言殺鬼精物。蠱毒惡氣者。以其能定風鎮八方之邪氣也。久服益氣力。長陰肥健者。其性屬陽。陽生則陰長也。

白木

山薑一名

甘溫無毒。雲木肥大氣壅。台木條細力薄。監國狗頭木皮赤稍大。然皆裁灌而成。故

其氣濁。不若於潛野生者。氣清無壅滯之患。入諸補氣藥。飯上蒸數次。用入肺胃久嗽藥。蜜水拌蒸。入脾胃痰濕藥。薑汁拌晒。入健脾藥土炒。入瀉痢虛脫藥。炒存性。用入風痺痰濕利水破血藥。俱生用。然非於潛產者。不可生用也。本經主風寒濕痺死肌。瘡疽止汗除熱消食。作煎餌。久服輕身延年不餓。發明白木甘溫味厚。陽中之陰。可升可降。入脾胃二經。生用則有除濕益燥消痰利水。治風寒濕痺死肌。瘡疽散腰臍間血。及衝脈為病。逆氣裏急之功。製熟則有和中補氣止渴生津。止汗除熱。進飲食安胎之效。本經主風寒濕痺死肌。瘡疽者。正以風寒濕三者合而成痺。痺者拘攣而痛是也。經曰。地之濕氣。感則害人皮肉筋骨。死肌者。濕毒侵肌肉也。瘡者。風寒乘虛客於肝脾腎經所致也。疽者。脾胃虛而濕熱瘀滯也。如上諸証。莫不由風寒濕而成。木有此三者之功。故能祛其所致之疾也。止汗除熱消食者。濕熱盛則自汗。濕邪客則發熱。濕去則脾胃燥燥則食自消。汗自止。熱自除矣。又主大風在身。而風眩頭痛。目淚出。消痰水。逐皮膚間風水結腫。除心下急滿。及霍亂吐下不止。利腰臍間血。益津暖胃。消穀嗜食。得參苓大補中氣。得枳橘健運飲食。本經言消食作煎餌。留其滓。以健運脾氣。食自化矣。仲景五苓散。祖素問澤木麋銜湯。並用生者。但彼兼麋銜以統血。則

汗自止。此兼桂枝以通津，則渴自除。潔古枳朮丸，祖金匱枳實湯，彼用生者以健胃，則逆滿自愈。此用熟者以助脾，則飲食自強。且以荷葉裹飯為丸，取清震之氣，以鼓剋運之力也。蓋白朮得中宮冲和之氣，補脾胃藥以之為君。脾土旺則清氣升而精微上濁氣降而糟粕輸。仲淳有云：白朮稟純陽之土氣，除邪之功勝，而益陰之效虧。故病屬陰虛，血少精不足，內熱骨蒸，口乾脣燥，欬吐痰吐血，鼻衄齒衄，使閉滯下者，法咸忌之。木燥腎而閉氣，肝腎有動氣者，勿服。劉涓子云：癰疽忌白朮，以其燥腎而閉氣，故反生膿作痛也。凡藏皆屬陰，世人但知白朮能健脾，寧知脾虛而無濕邪者用之，反燥脾家津液，是損脾陰也。何補之有此最易誤，故特表而出之。

蒼朮

本經名山藟

苦辛溫無毒。產茅山者味甘形瘦多毛最良。吳郡諸山者次之。楚中大塊辛烈氣燥者為下。製用糯米泔浸，刮去皮切片，同芝麻炒，或麻油炒通黃去焦末，或去皮切片，蜜水拌飯上蒸。

用。又白露後以泔水淨置屋上，晒露一月，謂之神朮。本經主風寒濕痺死肌痲疽。發明：蒼朮辛烈性溫而燥，可升可降，能徑入諸經，踈泄陽明之濕而安太陰。辟時行惡氣，因經泔浸炒，故能除上濕發汗。與白朮止汗則異。腹中窄狹者須之。本經治風寒濕痺，死肌痲疽等證。總取性專開腠，故能發汗而去風寒濕氣，祛濕而去死肌，痲疽下氣而消痰食飲癖。又能總解諸鬱，佐以香附快氣之藥，下氣最速。一升一降，則鬱散而氣平也。脾精不禁，淋濁不止，腰背痠疼，用以斂脾津。津生於穀氣也。同黃蘗為二妙。治下部濕熱，痲腫。又蒼朮一味，麻油製過為末，煮大棗肉為丸，治脇下飲癖。許叔微患飲癖三十年，始因少年夜坐寫文，左向伏几，是以飲食多墜左邊，飲酒止從左下有聲，脇痛食減。

嘈雜飲酒半杯即止。十數日必嘔酸水。暑月左半身絕無汗。服雄附礬石牽牛遂戟等皆無效。自揣必有海囊如水之有窠白不盈料不行。乃悉屏諸藥。以前九服三月而疾除。暑月汗亦周身。燈下能書細字。皆蒼朮之力也。然惟素稟肥盛多濕者為宜。若形瘦多火者禁用。其神木已經露製轉燥為清。用以發散上部頭風痰濕諸證。故治時行頭痛有神木湯。此得制度之妙也。

狗脊本經名 百枝 苦平微溫無毒酒浸炒去毛用 本經主腰背強。關節緩急。周痺寒濕膝痛。頗利老

人。發明 狗脊為強筋骨要藥。故本經主腰背強。周痺寒濕等疾。頗利老人者。補益腎氣而堅強

筋骨也。其性味形類與萆薢相似。而功用亦不甚相遠。四寶丹用金毛狗脊去毛鹽泥固濟煨紅。蘇

木萆薢川烏頭生用等分為末。醋和丸。溫酒鹽湯下。二十九治男婦毒風脚軟腎氣虛弱。又病後足

腫煎湯洗効。

貫眾別錄名 草鷓頭 苦微寒有毒 本經主腹中邪熱氣諸毒殺三蟲 發明 貫眾苦寒而降。辟時行

疫癘不正之氣。疫發之時以此藥置水食之。則不傳染。且能解毒。與堅。治婦人血氣。本經治腹中邪

熱氣諸毒。以其性專散結積諸毒。而蟲積皆由濕熱所生。苦寒能除濕熱。故亦主之。王海藏治夏月

痘出不快。快斑散用之。云貫眾有毒。而能解腹中邪熱。殺三蟲。病從內發者多効。王璆百一選方言

食鯉魚羹。為肋骨所鯁。百藥不効。或令以貫眾煎濃汁連進一啗而出。可見軟堅之功。不但治瘡。治

血而已。病人虛寒無實熱者勿服。

巴戟天 辛甘微溫無毒。酒浸去心焙用。川產者良。本經主大風邪氣陰痿不起。強筋骨。安五藏。

補中增志益氣。發明。巴戟天嚴冬不凋。腎經血分。及衝脈藥也。故守真地黃飲子用之。即本經治大風邪氣之謂。以其性補元陽而兼散邪。真元得補。邪安所留。是以可愈大風邪氣也。主陰痿不起。強筋骨。安五藏。補中增志益氣者。脾胃二經得所養。而諸虛自瘥矣。又治脚氣。補血海。病人虛寒。加用之。有人嗜酒。患脚氣甚危。或教以巴戟半兩。糯米同炒。去米。大黃一兩。炒為末。熟蜜丸。溫水下。七十丸。仍禁酒。遂愈。惟陰虛相火熾盛者。禁用。

遠志。苗名。辛苦溫無毒。甘草湯泡去骨。製過不可陳。久久則油氣。戟人喉。本經主欬逆傷中。補

不足。除邪氣。利九竅。益智。耳目聰明。不忘。強志。倍力。久服。輕身不老。發明。遠志入足少陰腎

經氣分。非心經藥也。專於強志。益精。主夢泄。蓋精與志。皆腎所藏。腎氣充。九竅利。智慧生。耳目聰明。

邪氣不能為害。腎氣不足。則志氣衰。不能上通於心。故迷惑善忘。不能閉摯封藏。故精氣不固也。小

便赤濁。用遠志。甘草茯苓神益智為丸。棗湯服。效。取其為陰火之嚮導也。昔人治喉痺失音作痛。遠志

末吹之。涎出為度。取其通腎氣而開竅也。又治婦人血噤失音。及一切癰疽。搐鼻。治腦風。殺烏附毒。

惟水虧相火旺者。禁服。以其善鼓龍雷之性也。本經言治欬逆傷中。詳遠志性溫助火。非欬逆所宜

當是嘔逆之誤。以其性稟純陽。兼通諸竅。竅利則耳目聰明。強志不忘。皆益腎氣之驗。別錄云。去心

下膈。氣非嘔逆之類乎。一切陰虛火旺。便濁遺精。喉痺腫痛。慎用。苗名小草。亦能利竅。兼散少陰風

氣之結也。

淫羊藿。一名仙靈脾

辛溫無毒。羊脂或酒炒用。

本經主陰痿絕傷。莖中痛。利小便。益氣力。強志。發

明 淫羊藿手足陽明三焦命門藥也辛以潤腎溫以助陽故本經治陰痿絕傷等證真陽不足者宜之堅筋骨消瘰癧一切冷風勞氣筋骨攣急四肢不仁補腰膝強氣力一味仙靈脾酒為偏風不遂之要藥惟陰虛走精強陽不痿禁服

仙茅 辛溫有毒忌犯鐵器酒浸焙乾用 發明 仙茅性熱補三焦命門之藥惟陽衰精冷下元

痿弱老人失溺無子男子稟賦素虛者宜之若體壯相火熾甚者服之反能動火為害巨測按醫說云一人中仙茅毒舌脹出口漸大與肩齊以小刀斲之隨破隨合斲至百數始有血一點出曰可救矣煮大黃芒硝與服以藥摻之應手消縮此皆火盛性淫之人過服之害也然川產者少偽充者多不可不辯

玄參 一名黑參 苦微寒無毒反藜蘆 本經主腹中寒熱積聚女子產乳餘疾補腎氣令人明目 發

明 黑參入足少陰腎經主腎水受傷真陰失守孤陽無根亢而僭逆咽喉腫痛之專藥又治傷寒陽毒汗下不解發斑咽痛心下懊懣煩不得眠心神顛倒欲絕者俱用玄參專清上焦氤氳之氣無根之火本經治腹中寒熱積聚女子產乳餘疾并可清有形熱滯故消瘰癧結核治目赤痛腫本經又云補腎氣令人明目不特治暴赤腫痛總皆散結清火之驗也但其性寒滑脾虛泄瀉者禁用

地榆 苦澇微寒無毒去稍酒拌炒黑用 本經主婦人乳產痙痛七傷帶下五漏止痛止汗除惡肉療金瘡 發明 地榆入足厥陰兼行手足陽明體沉而降善入下焦理血本經主乳產痙痛七傷帶下五漏者是指去血過多肝風内生之象又云止汗止痛除惡肉療金瘡者以其能和血也若

氣虛下陷而崩帶。及久痢膿血。瘀晦不鮮者。又為切禁。性能傷胃。誤服多致口噤不食。又諸瘡痛者。加地榆。瘡者加黃芩。以其能散血熱也。燒灰香油調敷。火燙乃借火氣引散血中之火毒耳。稍專行血不可混用。

丹參 苦平微溫無毒。酒炒用。反藜蘆。本經主心腹邪氣。腸鳴幽幽如走水。寒熱積聚。破癥除瘕。止煩滿益氣。發明 丹參氣平而降。心與包絡血分藥也。本經治心腹邪氣。腸鳴幽幽如走水等疾。皆瘀血內滯。而化為水之候。止煩滿益氣者。瘀積去而煩滿愈。正氣復也。按四物湯治婦人病。不問胎前產後。經水多少。皆可通用。惟一味丹參散。主治與之相同。蓋丹參能破宿血。生新血。安生胎。落死胎。止崩中帶下。調經脈之神品。然其性長於行血。妊娠無故勿服。大便不實者忌之。

紫參

即牡蒙又名童腸。三四月間遍地茸。生高三五寸。逐層起。臺開紫花者是也。

苦辛寒無毒。反藜蘆。

本經主心腹積聚。寒熱邪氣。

通九竅利大小便。

發明

紫參入足厥陰。兼入足太陽。陽明血分。故治諸血病。及寒熱血痢。癰腫。

積塊。即本經治心腹積聚。寒熱邪氣之謂。瘀血去則九竅利。而二便通矣。古方治婦人腸覃。烏喙丸。中用牡蒙。即紫參也。仲景治下痢肺痛。用紫參湯。取其散積血也。但市人罕識其真。詳痢下肺痛。皆胸中氣結之故。每以紫苑代之。雖氣味之寒溫不同。疎利之性則一。

紫草 甘寒鹹無毒。色深紫而脆者良。淡紫而質堅者曰紫梗。不入藥。本經主心腹邪氣。五痺。補

中益氣。利九竅。發明 紫草入心胞絡。及肝經血分。其功專於涼血活血。利大小腸。故痘疹欲出未出。血熱毒盛。大便閉澀。色枯乾而毒不得越者。宜之。已出而紫黑。便閉者。亦可用。蓋紫草涼血。涼

則毒出世俗誤以為宣發之藥非也若已出而色紅活者不宜或白陷及大小便利者忌之本經言  
治心腹邪氣五痺者乃活血利竅之義發痘即活血利竅之大端也言補中益氣者營血和則中氣  
受益矣

白頭翁一名野丈人

苦微寒無毒產齊魯苗長葉白者力優生柴胡中短小者力薄得酒良本經主

溫瘧狂猖寒熱癥瘕積聚癰氣逐血止腹痛療金瘡發明白頭翁味苦微寒入手足陽明血分

本經言苦溫者傳寫之誤也其治溫瘧狂猖寒熱等症皆少陽陽明熱邪固結之病結散則積血去

而腹痛止矣別錄止鼻衄弘景止毒痢亦是熱毒入傷血分之候仲景治熱痢下重有白頭翁湯蓋

腎欲堅急食苦以堅之痢則下焦虛故以純苦之劑堅之男子陰疝偏墜小兒頭禿鼻衄及熱毒下

痢紫血鮮血用此並効但胃虛大便完穀不化痢久下稀淡血水者勿服以其苦寒降泄也

白芨苦辛平微寒無毒反烏附本經主癰腫惡瘡敗疽傷陰死肌胃中邪氣賊風鬼擊痲緩不

收發明白芨性濇而收得秋金之氣故能入肺止血生肌治瘡本經主敗疽傷陰死肌皆熱壅

血傷胃中邪氣亦邪熱也賊風痲緩皆血分有熱濕熱傷陰所致也其治吐血咯血為其性斂也用

此為末米飲服之即止試血法吐水盆內浮者肺血沉者肝血半浮半沉者心血各隨所見以羊肺

肝心煮熟蘸白芨末每日食之其治金瘡及癰疽亦多用之

三七綱目名山漆一名金不換

甘微苦溫無毒廣產形如人參者是有節者非發明時珍云此藥近時始出南人軍中用

為金刀箭瘡要藥止血散血定痛為末摻之吐血衄血崩中下血血痢產後惡血不下並宜服之凡

杖撲傷損。瘀血淋漓者。隨即嚼爛。卷之。青腫者即消。若受杖時。先服一二錢。則血不衝心。杖後尤宜服之。此陽明厥陰血分之藥也。故能治一切血病。獨用研服尤良。取其專力也。一種庭砌栽種者。以苗搗敷腫毒即消。亦取散血之意。

黃連。苦寒無毒。產川中者。中空色正黃。截開分瓣者為上。雲南水連次之。日本吳楚為下。治心藏火生用。治肝胆實火。猪胆汁炒。治肝胆虛火。醋炒褐色。治上焦火酒炒。中焦火薑汁炒。下焦火鹽水炒。氣分鬱結肝火。煎吳茱萸湯炒。血分塊中伏火。同乾漆末炒。食積火黃土拌炒。解附子巴豆輕粉毒。忌豬肉。本經主熱氣目痛。背傷泣出。明目。腸澼腹痛下痢。婦人陰中腫痛。發明。黃連性寒味苦。氣薄味厚。降多升少。入手少陰厥陰。苦入心。寒勝熱。黃連大黃之苦寒。以導心下之實熱。去心竅惡血。仲景九種心下痞。五等瀉心湯皆用之。瀉心者。其實瀉脾實則瀉其子也。下痢胃口虛熱口噤者。黃連人參煎湯。時時呷之。如吐再飲。但得一呷下咽便好。諸苦寒藥多瀉。惟黃連芍藥性寒而燥。能降火去濕。止瀉痢。故血痢以之為君。今人但見腸虛滲泄。微似有血。不顧寒熱多少。便用黃連。由是多致危殆。至於虛冷白痢。及先瀉後痢之虛寒證。誤用致死者多矣。諸痛瘍瘡。皆屬心火。眼暴赤腫。痛不可忍。亦屬心火。兼挾肝邪。俱宜黃連當歸。治痢及目為要藥。故本經首言治熱氣目痛。及腸澼腹痛之患。取苦燥之性。以清頭目。堅腸胃。祛濕熱也。婦人陰中腫痛。亦是濕熱為患。尤宜以苦燥之。古方治痢香連丸。用黃連木香。薑連散用乾薑黃連。佐金丸用黃連吳茱萸。治消渴用酒蒸黃連。治口瘡用細辛黃連。治下血用黃連葫蘆。皆是寒因熱用。熱因寒用。而無偏勝之害。然苦寒之



劑中病即止。豈可使肅殺之令常行而伐生發冲和之氣乎。醫經有久服黃連苦參反熱之說。此性雖寒。其味至苦。入胃則先歸於心。久而不已。心火偏勝則熱。乃其理也。近代庸流喜用黃連為清劑。殊不知黃連瀉實火。若虛火而妄投。反傷中氣。陰火愈逆。上無制矣。故陰虛煩熱。脾虛泄瀉。五更腎泄。婦人產後血虛煩熱。小兒痘疹氣虛作瀉。及行漿後泄瀉。並皆禁用。

胡黃連。苦大寒無毒。忌豬肉。犯之令人漏精。發明。胡黃連苦寒而降。大伐藏府骨髓邪熱。除

婦人胎蒸。小兒疳熱積氣之峻藥。同烏梅止小兒血痢。同雞肝治小兒疳眼。同豬胰療楊梅瘡毒。同乾薑治菓子積。皆取伐肝腎熱邪也。小兒腎氣本實。故可當此。若脾胃腎藏不足者服之。奪人天元。為害不淺。惟微瘡用胡黃連。當歸甘草豬胆水酒煎服。二劑輒効。以其直達下焦。善搜淫火之毒也。黃芩。苦寒無毒。中空者為枯芩。入肺。細實者為子芩。人大腸。並煮熟酒炒用。本經主諸熱黃瘧。腸澼泄利。逐水下血閉。治惡瘡疽蝕火瘍。發明。黃芩苦燥而堅腸胃。故濕熱黃瘧。腸澼瀉痢。為必用之藥。其枯芩性升。入手太陰經。清肌表之熱。條芩性降。瀉肝膽大腸之火。除胃中熱。得酒炒上行。主膈上諸熱。得芍藥甘草。治下痢膿血。腹痛後重身熱。佐黃連治諸瘡痛不可忍。同黑參治喉間腥臭。助白朮安胎。蓋黃芩能清熱涼血。白朮能補脾統血也。此惟胎熱升動不寧者宜之。胎寒下墜。及食少便澀者。慎毋混用。丹溪言黃芩治三焦火。仲景治傷寒少陽證。用小柴胡湯。汗下不解。胸滿心煩。用柴胡桂薑湯。溫病用黃芩湯。太陰少陽合病。用葛根黃連黃芩湯。心下痞滿。用瀉心湯。寒格吐逆。用乾薑黃芩黃連人參湯等方。皆用黃芩以治表裏諸熱。使邪從小腸而泄。皆本經主諸熱。

之綱旨。其黃瘧腸澼瀉痢之治。取苦寒以去濕熱也。逐水下血閉者。火鬱血熱之所致。火降則血行。水下而閉自通矣。昔人以柴胡去熱不及黃芩。蓋柴胡專主少陽往來寒熱。少陽為樞。非柴胡不能宣通中外。黃芩專主陽明蒸熱。陽明居中。非黃芩不能開泄蘊隆。一主風木客邪。一主濕土蘊者。詎可混論。芩雖苦寒。畢竟治標之藥。惟軀殼熱者宜之。若陰虛伏熱。虛陽發露。可輕試乎。其條實者。兼行衝脈。治血熱妄行。古方有一味子芩丸。治女人血熱。經水暴下不止者最效。若血虛發熱。腎虛扶寒。及妊娠胎寒下墜。脈遲小弱。皆不可用。以其苦寒而伐生發之氣也。

秦光 苦平微溫無毒。雷公云。左文列為秦。治濕病。右文列為光。發脚氣。今藥肆多右文者。慎勿混用。本經主寒熱邪氣。寒濕風痺。肢節痛。下水利小使。發明 秦光陰中微陽。可升可降。入手足陽明。以其去濕也。兼入肝胆。以其治風也。故手足不遂。黃瘧酒毒。及婦人帶疾。須之。陽明有濕。則身體痠痛。肢節煩疼。及攣急不遂。有熱則日晡潮熱。用以祛風勝濕。則愈。凡痛有寒熱。或浮腫者。多秋客邪。用此以祛風利濕。方為合劑。故本經治寒熱邪氣。寒濕風痺。肢節痛等證。若久病虛羸。血氣不能營養肢體而痛。及下體虛寒。疼痠枯瘦等病。而小便清利者。咸非秦光所宜。今庸師喜用秦光。且不辨左文右文。凡遇痛證。動輒用之。失其旨矣。

柴胡

即此胡

苦平無毒。入解表藥生用。清肝炒熟用。

本經主心腹腸胃中結氣。飲食積聚。寒熱邪

氣推陳致新。明目益精。發明 柴胡能引清陽之氣從左上升。足少陽胆經之藥。胆為清淨之府。無出無入。禁汗吐下。惟宜和解。以其經居半表半裏。本經治心腹腸胃結氣。飲食積聚。寒熱邪氣。使

清陽之氣上升。而胃中留結宿滯。亦得解散矣。仲景治傷寒寒熱往來。脇痛耳聾。婦人熱入血室。皆為必用。小兒五疳羸熱。諸瘧寒熱。咸宜用之。痘疹見點後。有寒熱。或脇下疼熱。於透表藥內用之。不使熱留少陽經中。則將來無咬牙之患。虛勞寒熱。多有可用者。勞有五勞。病在五藏。若勞在肝胆心包絡有熱。或少陽經寒熱。則柴胡為必用藥。勞在脾胃有熱。或陽氣下陷。則柴胡乃引清氣退熱之藥。惟勞在肺腎者不可用。東垣補中益氣用之者。乃引肝膽清陽之氣上行。兼升達參者之力耳。瘡疽用之者。散諸經血結氣聚也。今人以細者名小柴胡。不知小柴胡乃湯名也。若大柴胡湯而用銀州者可乎。按柴胡為少陽經藥。病在太陽。服之太早。則引寇入門。病在陰經用之。則重傷其表。誤人不可勝數。其性升發。病人虛而氣升者忌之。嘔吐及陰丈夫上者勿服。若陰虛骨蒸服之。助其虛陽上逆。勢必耗盡真陰而後已。奈何操司命之權者。多所未悟也。

銀柴胡 甘微寒無毒。銀州者良。今延安府五原城所產者。長尺餘。肥白而軟。北地產者。如前胡而軟。今人謂之北柴胡。勿令犯火。犯火則不效。發明 銀柴胡行足陽明少陰。其性味與石斛不甚相遠。不獨清熱。兼能涼血。和劑局方治上下諸血。龍腦雞蘇丸中用之。凡入虛勞方中。惟銀州者為宜。若用北柴胡。升動虛陽。發熱喘嗽。愈無益字。可不辯而混用乎。按柴胡條下。本經推陳致新。明目益精。皆指銀夏者而言。非北柴胡所能也。

前胡 苦微寒無毒。甄權曰。甘辛平無毒。白色者良。去尾用。發明 前胡入手足太陰陽明少陽。

其功長於下氣。故能治痰熱喘嗽痞膈諸疾。氣下則火降痰亦降矣。為痰氣之要味。治傷寒寒熱及時氣內外俱熱。按二胡通為風藥。但柴胡主升。前胡主降。有不同耳。又按前胡治氣實風疾。凡陰虛火動之風疾。及不因外感而有痰者。禁用。

防風 甘辛溫無毒。又頭者令人煩喘。又尾者發人癩疾。本經主大風頭眩痛。惡風風邪。目盲無所見。風行周身。骨節疼痛。發明 防風浮而升陽也。入手太陽陽明。少陽厥陰。兼通足太陽。治風去濕之仙藥。以風能勝濕也。其治大風頭眩痛。惡風風邪等病。其性上行。故治上。盛風邪。瀉肺實喘滿。及周身痺痛。四肢攣急。目盲無所見。風眼冷淚。總不出本經主治也。防風治一身盡痛。乃辛伍卑賤之職。隨所引而至。風藥中潤劑也。若補脾胃。非此引用不能行。蓋於土中瀉木也。凡脊痛項強。不可回顧。腰似折。項似拔者。乃手足太陽證。正當用之。凡瘡在胸膈已上者。雖無手足太陽證。亦當用。防風為能散結去上部風熱也。經驗方治婦人風入胞門。崩中不止。獨聖散用一味。防風麪糊酒調丸服。然惟血色清稀。而脈浮弦者為宜。如血色濃赤。脈來數者。又屬一味子芩丸證。不可混也。惟肺虛有汗喘乏。及氣升作嘔。火升發嗽。陰虛盜汗。陽虛自汗者。勿服。婦人產後血虛發癩。嬰兒瀉後脾虛發搐。咸為切禁。

獨活 辛苦微溫無毒。香而紫黑者真。本經主風寒所擊。金瘡止痛。奔豚癩瘖。女子疝瘕。發明

獨活不搖風而治風。浮萍不沈水而治水。因其所勝而為制也。本經治金瘡為風寒所擊而痛。及奔豚癩瘖。女子疝瘕。皆邪風內賊之候。獨活生益州。較菴活其氣稍細。升中有降。能通達周身而散

風勝濕。與細辛同用。治厥陰頭痛。目眩。又足少陰經伏風頭痛。兩足濕痺。不能動止者。非此不治。甄權以獨活治諸風濕冷。奔喘逆氣。皮膚枯癢。手足攣痛。勞損風毒齒痛。皆風濕相搏之病也。但氣血虛而遍身痛。及陰虛下體痿弱者。禁用。南方無剛猛之風。一切虛風類中。咸非獨活所宜。

羌活。苦辛溫無毒。香而色紫者良。

發明

羌活生於羌胡。雍州隴西。西川皆有之。治足太陽風

濕相搏。一身盡痛。頭痛肢節痛。目赤膚癢。乃却亂反正之主帥。督脈為病。脊強而厥者。非此不能除。甄權以羌活治賊風失音不語。多瘡手足不遂。口面喎斜。痺痺血癩。皆風中血脈之病也。蘇恭曰。瘡風宜用獨活。兼水宜用羌活。風能勝濕。故羌活能治水濕。與芎藭同用。治太陽厥陰頭痛。發汗散表。透關利節。非時感冒之仙藥也。但內傷元氣。血虛頭痛。及遍身肢節痛。皆非所宜。昔人治勞力感寒。於補中益氣湯中用之。深得補中寓滿之意。

升麻。

甘苦平無毒。忌見火。解良岩毒。

本經辟瘟疫瘴氣。邪氣蠱毒。入口皆吐出。中惡腹痛。時氣

毒癩頭痛。寒熱風腫諸毒。喉痛口瘡。

發明

升麻能引清氣。右升。足陽明本藥也。本經治疫瘴蠱

毒。取性升上行也。治中惡腹痛。取開發胃氣也。治喉痛口瘡者。取升散少陽陽明火熱也。同葛根則

發散陽明風邪。同柴胡則升提胃中清氣。引甘溫之藥上升。故元氣下陷者。用此於陰中升陽。以緩

帶脈之縮急。凡胃虛傷冷。鬱遏陽氣於脾。土宜升麻葛根以升散其大鬱。故補脾胃藥。非此引用不

効。脾痺非此不除。升麻葛根湯。乃陽明發散藥。若初病太陽便服之。發動其邪。必傳陽明。反成其害

也。又升麻葛根能發痘。惟初發熱時可用。見點後忌服。為其氣升。發動熱毒於上。為害莫測。而麻疹

尤為切禁。誤投喘滿立至。按升麻屬陽性升。力能扶助陽氣。捍禦陰邪。故於淋帶瀉痢脫肛方用之。取其升舉清揚於上也。古方治噤口痢。用醋炒升麻。引人參蓮肉。扶胃進食。大有神效。凡上盛下虛。吐血衄血。咳嗽多痰。陰虛火動。氣逆嘔吐。怔忡癲狂諸證。皆在所禁。

苦參。苦寒無毒。反藜蘆。本經主心腹結氣。癥瘕積聚。黃瘰。溺有餘瀝。逐水除癰腫。補中明目。止

淚。發明。苦參黃檗之苦寒下降。皆能益腎。蓋取其苦燥濕。寒除熱也。熱生風。濕生蟲。故又能治

風殺蟲。惟腎水燥而相火勝者宜之。若脾胃虛而飲食減少。肝腎虛而火衰精冷。及年高之人。不可

用也。久服苦參。多致腰重。因其性降而不升也。觀本經主治。皆濕熱為患之病。詳補中當是補陰之

誤。以其能除濕熱。濕熱去而陰自復。目自明矣。惟濕熱者宜之。沈存中苦腰重。久坐不能行。此因病

齒痛數年。用苦參揩齒。其氣味入齒傷腎所致也。後施昭先亦用苦參揩齒。歲久亦病腰重。自後悉

不用之。腰疾皆愈。或云苦參既能補陰明目。何久服反病腰重乎。殊不知苦寒之性。直入心腎。內有溼

熱者。足以當之。始得之。則有輔陰祛邪之力。清熱明目之功。濕熱既去。而又服之。必致苦寒傷腎。腰

重脚弱。在所不免。理固然也。何疑之有。

白蘚皮一名白羊鮮。苦鹹寒無毒。本經主頭風黃瘰。欬逆淋瀝。女子陰中腫痛。溼痺死肌。不可屈伸。

起止行步。發明。白蘚皮氣寒善行。味苦性燥。足太陰陽明經去風濕熱藥也。兼入手太陰陽明。

為諸黃風痺要藥。本經所主。皆風濕熱邪。蘊釀經中之病。千金治嬰兒風癩。熱則生風。胸中有痰。白

羊鮮湯。取其善祛風熱也。世醫祇施之於瘡科淺矣。下部虛寒之人。雖有溼證勿用。

延胡索即立胡索 苦辛溫無毒。上部酒炒。中部醋炒。下部鹽水炒。發明 延胡索色黃入脾胃能活

血止痛。治小便溺血。得五靈脂。同入肝經。散血破滯。炮炙論曰。心痛欲死。急覓延胡。以其能散胃脫

氣。血滯痛也。蓋當歸芍藥。調腹中血虛痛。延胡五靈。治胸腹血滯痛。又延胡善行血中氣滯。氣中血

滯。與當歸桂心。治一身上下諸痛。及經癸不調。產後血病。往往獨行多功。雜他藥中便緩。按延胡走

而不守。惟有瘀滯者宜之。若經事先期。虛而崩漏。產後血虛而暈。咸非所宜。

貝母 甘苦平微寒無毒。反烏頭。川者味甘最佳。西者味薄次之。象山者微苦又次之。一種大而苦

者。僅能解毒。並去心用。凡肺經藥。皆當去心。不獨貝母也。其獨顆無瓣者。名丹龍睛。誤服令人筋不

收持。本經主傷寒煩熱。淋瀝邪氣。疝瘕喉痺。乳難金瘡風癩。發明 貝母乃手太陰肺經氣分

藥。兼入手少陰心經。一名癰。鄺風言米其癰。善解心胸鬱結之氣。故詩人以此寓焉。肺受心包火乘

因而生痰。或為邪熱所干。喘嗽煩悶。非此莫治。詳本經主傷寒煩熱者。甘寒能解煩熱也。淋瀝者。熱

結二腸也。清心肺鬱熱。而淋瀝通矣。疝瘕者。足厥陰之邪干手厥陰也。經曰。診得心脈搏滑急。為心

疝。少腹當有形也。喉痺者。熱鬱結於上也。經云。一陰一陽結。謂之喉痺。心主三焦之脈。皆絡於喉也。

乳難者。鬱熱結於手足厥陰也。風癩者。金瘡熱鬱生風而成癩。總取解散鬱結之邪也。仲景治傷寒

寒實結胸。外無熱證者。小陷胸湯主之。白散亦可。二方一主熱痰內結。一主寒實內積。雖同一例。治

不可混也。俗以半夏性燥。用貝母代之。不知貝母寒潤。治肺家燥痰。痰因鬱結者宜之。半夏性燥。治

脾胃濕痰。痰因濕滯者宜之。二者天淵。何可代用。若虛勞咳嗽。吐血咯血。肺痿肺癰。癰疽及諸鬱火

證。半夏乃禁忌。皆貝母為嚮導也。至於脾胃濕熱。涎化為痰。久則生大生疾。上攻昏憤。僵仆蹇滯。諸證。生死旦夕。豈貝母可治乎。浙產者。治疝瘕喉痹。乳難。金瘡。風痙。一切癰瘍。又同苦參當歸。治妊娠小便難。同青黛。治人面惡瘡。同連翹。治項上結核。皆取其開鬱散結。化痰解毒之功也。

山慈姑

金燈花根也。九月開花。朱色。與葉不相見。故名無義草。

甘微平小毒。

發明

山慈姑攻堅解毒。治癰腫瘡癩瘰癧。

結核等證。紫金錠用之。亦是解諸毒耳。丹方治面上癩痕。用山慈姑末。和輕粉礪砂末各少許。先用鹼水筆塗患處。次搽上藥。太乙膏蓋。日易一次。俟疔瘡消盡後。以鷹屎白蜜陀僧末蜜水調護。數日勿見風日。效。惟眼胞上者不可治。以其眇動不輒也。

白茅根

一名地筋。

甘寒無毒。與百脈根相類。百脈根出巴西。他處罕得。

本經主勞傷虛羸。補中益氣。

除瘀血。血閉寒熱。利小便。

發明

甘寒能降。除伏熱。利小便。止渴。治傷寒呃逆喘嗽。主吐衄便溺。

諸血。治黃痺水腫。胃反上氣。五淋。夜熱。及痘瘡乾紫不起。但嘔逆吐衄。亦有因於寒者。即非所宜。本

經主治勞傷虛羸者。以甘寒能滋虛熱。而無傷胃氣之虞也。言補中益氣。胃熱去而中氣復。是指客

邪入傷中州。漸成虛羸而言。非勞傷本病所宜。昔人攷本草功用。言白茅根與百脈根相類。今肅州

不行歲貢。百脈根無從可得。而止渴去熱之用。白茅根裕如也。其茅花甘溫。色白。輕虛。力能上升。入

肺。散熱止衄。屋上敗茅。研傅斑瘡濕爛。取其收濕之力也。

草龍膽

苦。瀋大寒。小毒。去蘆或酒炒。或甘草湯浸一宿用。凡用勿空腹服。令人小便不禁。本經

主骨間寒熱。驚癇邪氣。續絕傷。定五藏。殺蟲毒。

發明

草龍膽苦寒沉降。主肝經邪熱。下焦濕熱。



酒瘰黃腫。目病赤腫。瘰肉。小兒肝氣。去腸中小蟲。蓋肝膽濕熱。取苦寒以瀉之。時珍曰。相火寄在肝膽。有瀉無補。故瀉肝膽之熱。正益肝膽之氣。但大苦大寒。過傷胃中生發之氣。反助火邪。亦如久服黃連。反從火化之義。本經主骨間寒熱。是指熱傷腎水而言。熱極生風。則發驚搐。重則變為癩病。濕熱邪氣之在中下二焦者。非此不除。以其專伐肝胆之邪也。肝膽之邪去。而五藏安和。輕脈之絕傷續矣。殺蠱毒者。去濕熱之患也。凡胃氣虛人服之。必嘔。脾虛人服之。必瀉。雖有濕熱。慎勿輕用。

細辛。辛溫無毒。產華陰及遼東者良。反藜蘆。本經主逆頭痛。腦痛。百節拘攣。風濕痺痛。死肌明目。利九竅。發明。細辛辛溫上升。入手足厥陰少陰血分。治督脈為病。脊強而厥。本經治效逆

頭痛。腦痛。善搜厥陰伏匿之邪也。獨括為使。治少陰頭痛如神。亦主諸陽頭痛。諸風藥用之。治風溼痺痛。百節拘攣。去死肌明目者。取辛以散結。而開經脈竅隧之邪也。味辛而熱。溫少陰之經。故仲景

少陰證。用麻黃附子細辛湯。辛溫能散。故凡風寒風溼。頭痛口瘡。喉痺。齩。諸病用之。取其能散浮熱。亦大鬱發之之義也。辛能泄肺。故風寒咳嗽。上氣者宜之。辛能補肝。故胆氣不足。則肝氣有餘。驚

癩眼目諸病宜之。辛能潤燥。故通少陰諸經。及耳竅閉塞者宜之。又主痰結濕火。鼻塞不利。凡口舌生瘡者。用細辛黃連末。搽之。凡血虛內熱。火鬱頭痛。發熱咳嗽者。戒用。以其辛烈耗散真氣也。細辛

辛之極者。用不過五分。

杜衡。俗名馬蹄香。又名杜葵。辛溫無毒。發明。杜衡香。與細辛相似。故藥肆以之代充細辛。亦能散頭目風寒。下氣消痰。行水破血。但其氣濁。不能搜滌少陰經中之寒。稍遜細辛一籌耳。

白微 苦鹹平無毒。本經主暴中風身熱肢滿。忽忽不知人。狂惑邪氣。寒熱痠疼。溫瘧洗洗。發作有時。發明 白微鹹平降泄。抑陽扶陰。為足陽明經本藥。兼行足少陰手太陰。本經主暴中風身熱肢滿。是熱鬱生風。痰隨大湧。故令忽忽不知人。狂惑邪氣。寒熱痠疼。皆熱邪所致。溫瘧乃冬時伏邪。至春而發。繆氏經疏言暑邪所傷。秋必發為溫瘧。恐非經旨。別錄瘡傷中淋露者。女子傷犯陰中。營血而成淋露之疾。用以除熱益陰。則前證瘳矣。下水氣利陰氣者。總取益陰之功。真陰益而邪水下。性善降泄。故久服利人。金匱治婦人產中虛煩嘔逆。安中益氣竹皮丸中用之。千金治風溫發汗後身灼熱。自汗身重多眠。鼻息必鼾。語言難出。姜蕤湯中用之。又治婦人遺尿。不拘胎前產後。有白微芍藥湯。取其有補陰之功。而兼行手太陰。以清膀胱之上原。殊非虛寒不禁之比也。古方多用治婦人者。以別錄有療傷中淋露之功也。凡胃虛少食泄瀉。及喘咳多汗。陽氣外泄者。禁用白前。甘辛微溫無毒。發明 時珍曰。白前入手太陰。長於降氣。肺氣壅實而有痰者。宜之。金匱治欬嗽而脈沉者。用澤漆湯。以中有白前也。深師治久嗽。上氣體腫。短氣倚息不得卧。常作水雞聲者。用白前湯。外台治久嗽吐血。用白前桔梗桑白皮甘草。皆取其下氣耳。若虛嗽常哽氣者。不可用也。白前較白微稍溫較細辛稍平。專搜肺竅中風水。非若白微之鹹寒。專泄肺胃之燥熱。亦不似細辛之辛竅能治腎肝之沉寒也。